

IFIIBI MU CIIBI

¶ . . . pano muno lucelo. Nacilatontonkanya pashita yandi iyakwisa ku Flagstaff umuku u—uwakubalilapo. Cena caba nalimo, Ndemonia, nalimo imyaka amakumi yata tu nacine konse konse iyapitapo, nalimo amakumi yane. Nalelanda pakuninika iculu. Takwali imfula yabuta, lelo motoka Model-T yalefilwa ukuninika iculu. Kuti caba ba mailoshi amakumi yata tu pali ora, lelo likumi limo nafisano *ulu* lubali kibili ikumi limo nafisano *ulu* lubali, namwishiba, kumisebo kulya eyo twakwata kuno. Kibili caliko ica . . .

² [Munyina ku ntanshi atila, “Malandu nshi tekuti utupelele ulya mushikakulo wa Ford?”—Kale.] Munyina Carl! [“Napapata.”] Iyo. Ena alenjeba nalimo pakamushikakulo akanono ako Nakwete inshita imo, pali Ford wandi. Yena te ncende isuma iyakupela, Munyina Carl.

³ Eico, tuletasha nganshi. Kibili Nacikwata ubunte ubwalekana lekana nganshi muno lucelo, ukumfwa ukufuma kuli aba ababwananyina, nalikumenye bambo abaume.

⁴ Kibili pali kapyunga uyu uwacifuma mukulanda apa, umunono munyina umu Spanish uwapele uwakwe . . . inshita yamulumento umunono ukwimba. Bushe ico tacaweme kwishiwi ilya muntu uuli nemyaka yakufyalwa mutanda? Owe, ishiwi ilyawamisha ilinono nganshi ilyo natala umfwapo, kumulumento umunono ngefyo.

⁵ Nomba, uyu munyina, ababwananyina bacilaba, lelo alekwata umusonkano muno mumusumba wenut. Ndetontonkanya cili kulya ku church of God, nangu ku Assemblies of God? [Munyina atila, “Assemblies.”] Assemblies of God, kulya ku Assemblies of God. Kibili Ndi uwashininkisha bena kuti batasha i—imwe ukubako. Bushe kulepwa inshiku shinga ukulongana, munyina? [“Ukuika pa Mulungu.”] Ukuika pa Mulungu. [“Pa Mulungu ubushiku.”] Ukuika pa Mulungu ubushiku. [“Natukwata ukulongana kwakwimba muno bushiku.”] Mukwai? [“Natukwata ukulongana kwakwimba muno bushiku.”] Ukulongana kwakwimba muno bushiku. Nomba imwe bonse muli abalalikwa ne nsansa ukwisa kuli ukulongana. [“Pa sebeni sate.”] Sebeni sate, muno bushiku. Kibili nikwi ichalichi cabela, munyina? [“113 West Clay.”] Kuti watwebako uko cabela? [“113 West Clay.”] 113 West Clay Street, muno mwine mumusumba wa Flagstaff. Kibili—kibili Ndi uwashininkisha iwe uli . . .

⁶ Bushe umulumento umunono ali naiwe? [Munyina atila, “Iyo.”—Kale.] Iyo, bawishi bali nokwimba. Ulemba, teifyo? Ukuba, cilifye bwino, Ninungamika, uno muku. Ukuba,

telyonse mumona ico; lelo caba, ilingi line, nga kuliko italanta limo mulupwa, likwata ukufuma—ukufuma kuli lyonse ilyashala, efyo Ntontonkanya. Eico bena balikwata...[“Cena conse catendeke mukufunga nokupepa, Munyina Branham.”] Ukufunga nokupepa, nomba ico—ico cisuma nganshi.

⁷ Nomba, namwishiba, nga cakuti America, bonse capamo, indupwa shesu ishamu America shali ngefyo, ukuba, bena kuti batamfyा bakapokola bonse. Imyaka ikana limo kuti lyafika, bushe tekuti cibe ifyo? Ifwe tukaba mwibumba lyantanshi lyena. Ico nacilungama. Imfwa yonse kuti yapwa, amalwele yonse, ubulanda, fyonse ifyakukalifya, kibili ifwe kuti twaba na Kristu.

⁸ Eico, ifwe tuli abansansa, kibili Ndeumfwa ubu ubunte bonse ubusuma! Kibili nalikwete ishuko ilisuma ilyakukumanya Munyina Earl, inshita yandi iyakubalilapo. Kibili—kibili mailo icungulo bushiku Nalelanda nomukashi wakwe, kibili—kibili ena alitwa nokundapa, imiku ingi, mumisonkano; atile, mukulongana kwa kulekelesha ali pacintamba.

⁹ Eico, citulenga panono, icakusekeshako. Nshamwibukishe Munyina Earl, nangula Naliposhenyе nankwe kukuboko kuncende imo. Kibili—kibili Naikelle pewindo, mailo ubushiku, ukulolela ena ukwisa. Kibili umwaume umutali alishile, aali nomwefu uwafita. Natile, “Uyu aisa.” Kibili nomba ilyo... Billy, umwana wandi, atile, “Oh, iyo,” atile, “ulya te Munyina Earl. Ena mwaice nganshi ukucila ulya muntu.” Kibili eico nomba Nalikumanya Nkashi Earl kuno mailo mucungulo bushiku, nokukwata ishuko ilya kuba mu ng’anda yabo iisuma muno mumusumba.

¹⁰ Ino nincende iisuma. Lyonse mfwaya uku ita *flagpole* mucifulo ca Flagstaff, palya pamulu waculu pano, mwamona. Kibili, Ndemyeba, nga kuliko umo muno ukufuma ku Texas, nomba mulaitakisha. Nafumine ku Tucson, mailo, nalimo kwakabile amakumi cinelubali na fibili nangu amakumi cinelubali na fisano, ku cifulo cimo kulya, kibili kuno muno lucelo nimfwala ikoti. Mwamona, ico bena bakwete mu Texas, ifwe twalikwata mu Arizona, bushe teifyo? Ico nacilungama. Ifwe tuli pano pene.

¹¹ Kibili iyi nshita yesenge...Dokota Umukalamba Bosworth, cibusa wandi, mwebengi imwe limbi mwalimwishesha Munyina Bosworth. Aali umo pabashila nganshi umukote umwaume. Kibili atile kuli ine inshita imo, atile, “Munyina Branham, walishiba ifyo *isenge* lyaba?”

Natile, “Ndetontontonkanya ukuti nalishiba ico, Munyina Bosworth.”

¹² Atile, “Bena bantu babili mubwato bumo, eico balingile ukwakanyako panono.”

¹³ Eico ifyo efyo isenge lyaba, tulasenda nokupela, ukwakana umo nomunankwe; na Munyina Carl Williams, na bonse abashala, Munyina Outlaw. Oh, umo pabantu abakubalilapo ku Arizona uwatungilila ukulongana kwandi kumo, ni Munyina Jimmy Outlaw, kibili twaliba bamunyina bapamutima ukufuma ilya nshita. Kibili ifwe tuli abansansa nganshi pali imwe bonse, kuli bakapyunga nabamunyina abo ifwe tukumanya kuno. Nshikwata inshita yakuposhanya nabonse, nga fintu Ningafwaya ukucita, lelo lisenge ilyo twisa pamo.

¹⁴ Cena cilenjibukishafye pa—pa musonkano waku Phoenix. Nalikwete ishuko, ukutula ilyo amachapitala yatendeke, uku—ukwafwilisha ukuteyanya amachapitala nokulanda muli yena. Kibili ekabungwefye eko Nabako membala, kibili tekabungwe. Cena cabafye icakubomba cilebomba pakati kabantu.

¹⁵ Kibili nga imwe bambo mwebaume muno lucelo, abo—abo abashaba mwisenge ili, ilya Bashimakwebo Abena Kristu, i Mbila Yapwililika, lekeni...nga imwe mwacetekela kibili muli nokumfwa amashiwi yandi, cena nicimo pamabumba icawamisha ica bantu. Kibili—kibili kuli bamunyina bakapyunga, cena tacisusha ichalichi cenu, cena cachalichi cenu. Mwamona, cena ninshila yabo iyakubikamo ku—ku chalichi.

¹⁶ Naciba ndelolesha uyu namayo umusuma uwacimba ulwimbo akashita akafumapo,. Nalyumfwa abaesha abengi ukulwimba, lelo ulya namayo acikwata ishiwi ilyakulwimba bwino, namwishiwa, ukwabula ukulonaula, nga filya. Nacilutemwa, namayo, lwaciwama, nganshi. Acitila mukashi wakwa kapyunga umo pano. Kibili, munyina, ulemuleka akwimbilako ukukulalikishako cila bushiku, ico kuti cawama nganshi, bwino nganshi. Kwaciba ukwimba ukusuma nganshi. Nacitotela.

¹⁷ Kibili, muno lucelo, cili nga icilenjibukisha pakanono—akanono akalyashi. Ukutila, Na—Nalitemwa ukulunga nokuloba, kibili ulya ni umo pamulandu uo Mbelele muno mu Arizona, ico, kulunga nokuloba. Kibili Nalitemwa ico. Kibili eico Naleloba inshita imo mu New Hampshire.

¹⁸ Kibili Ndeelenganya Nalikwata bacibusa abengi muno abatemwa ukuloba, fyonse fibili mubaume namubanakashi, pamo, mwamona. Ifwe bonse twalitemwa ico.

¹⁹ Eico Nalikwete itenti ilinono ilyo Nalonge pamulu sana, pamulu apo, mwalishiba abaice, lyali ilyafinako nangu icintu cimo, tekuti bende ukuyapo palya. Kibili kwali amasabi ayasuma, pali ayo, isabi pale, kibili neyacinyamuti, ilyacipepe cambali shine, isabi lyameno yatwa. Oh, twena twingi, tulya utumana utunono tupongolokela pansi ukufuma pamulu wampili mu New Hampshire. Kibili tupale utunono, nalimo ikumi limo na ine, ama inchi ikumi limo namutanda ubutali, utwingi nganshi! Kibili elyo Na...Kuti naya kulya

nokubekata, ukubekata ukukana bepaya, nokubalekelako. Nga cakuti Naipaya umo, ninshi Na—Namulya uyo, mwamona, ukumubikamo.

²⁰ Eico Nalikwete icimuti icilyako insansala icalemena, kabili—kabili inshita yonse Nalecinja indobani yandi... Nalibikileko akakwikatilako isabi akamoneka kwati ni munshishinga aketwa Royal Coachman. Nalekaposa mukati nako, Nakapomba kucimuti cilya bansansala. Kabili Natontonkenye ukutila, “Ukuba, Nalabula akasembe nokuya kulya, luno lucelo, no—nokuyatema icimuti icilyako insansala, icakuti Nilakoba indobani yandi muli cena.” Oh, Naishileolesha mwisamba muyakale... icishiba catunama, kabili bena balelefye mulya, nalelolela kandobani ka Coachman ukuyekata. Nomba, inshita yonse iyabushiku... Nalelanda ukutila, “nomba ninkwata imishishi yandi,” lelo Nshikwete imishishi iyalinga kuli yena ukwingilamo nomba. Eico Nalikwete... Ine fye... bena ifyo bena—ifyo bena benga balolesha. Kabili Nalile kulya, lulya lucelo, nalisendele aka akasembe akanono, nokutema ici cimuti cilyako insansala. Kabili Nalikwete litatu nangu line, ilyo nali nokupekanya ukuti ndye pamwikulo, nokubwela. Kabili Nshili kepika umusuma. Kabili Naebele umukashi wandi ukutila tekuti Nkafye amenshi ukwabula ukulungusha, eico mwamona ukutila nshaishiba ukwipika.

²¹ Eico, pakubwela, kwali cibuli umukote notwana twakwe tubili, kabili balingile mwitenti lyandi ilinono. Kabili landeni pakonaula icintu cimo, tekuti mwishibe ifyo fintu fingonaika mpaka mwaleka cibuli aingila mwitenti. Ena, tefintu baonaula... fintu balya, efyo Ndepilibula, fintu baonaula. Nalikwete akatofu akanono, aka akatofu kaba kacema mulya, kabili balenina pakatofu akanono nokutolauka ukuti bomfwe umupaipi ulelila, kabili balikafungawilefyne mutupimfyfa, namwishiba. Kabili ilyo Naishile, Nalikwete imfuti .22 iinono iyakale iyali mulya, lelo Naiketwe aka kasembe mukuboko kwandi.

²² Kabili, namwishiba, ilyo Naimine, nyina umukote abutukile kulubali lumo, kabili aitile utwana kwakwe. Kabili akana kamo kalikonkele, bwino; lelo kambi kalikele, akanono. Mu Kapepo kanono, namwishiba, elyo twafumine. Afulilemo inuma yakwe yonse kuli ine, nga *filya*. Kabili Natontonkenye, “Ni cinshi ico alecita?” Cisuma, lyena alolekeshe pali ine. Kabili Nafwaile icimuti, ukumonafye ifyo—ifyo kena kali mupepi, pantu kuti bakufwemba amala, namwishiba, pali tulya utwana utunono. Kabili, bena, imwe tekuti mutwebe ukufuma muli cena, mwamona. Eico Naloleshe nyina umukote pakashita, namwishiba. Ena atwalilile ukwita, nokupanga icongo, icongo cimo icapala nge cuni. Ufwile ukwishiba ifyo cimo cumfwika. Eico atwalilile ukwita kalya akana, kabili akana kalikene ukwisa.

²³ Ukuba, Natontonkenye palwa mfuti yandi. Kibili Natontonkenye ukutila, "Iyo, nga Nabutukila mulya nokusenda ilya mfuti, nga Naipaya ulya nyina, nkusha utwana twanshiwa tubili mumpanga," kibili Nshalefwaya ukushingamwa noyo mulandu. Kibili, nalyo, nga aisa, kalya ka twenty-two kuti kacepa, namwishiba. Kibili limo limo tayalepika, kwaleba ukuilisha imiku itatu nangu ine pakuti ipike. Eico Natontonkenye ukutila, "Ukuba, Nalayafye kuli cilya cimuti kulya, nga atendeka ukwisa. Ndenina kucimuti kulya, inkontoleko akamusambo nokuboma pamyona." Imyona yabo yaliba iyanaka. Kibili balalila, nokuyapanshi, namwishiba, kibili bakuleka. Eico Natontonkenye ukutila, "Nalanina kuli cilya cimuti."

²⁴ Lelo kulyo ukufwaya ukwishi ukwa kantu akanono, oh, kaikelle nga *ifi*. Kibili Natontonkenye, "Ni cinshi ico alecita?" Eico Nalitwalilile ukulaenda enda, ndekalolesha, namwishiba, ukutendeka ukufumako panono, kibili ukulapalamina ku cimuti, pantu atwalilile ukwita kalya kanwana. Eico Nalileko pantanshiko panono, kibili bushe namwishiba ifyo kalya kantu akanono kacitile?

²⁵ Nomba, Nalitemwa amashikono, nangu ifitumbuwa, Ndecetekela tuyeta, kunse kulya. Kwisamba ku Masamba, tufita ifitumbuwa. Kibili Nshaishibisha ukufipanga, lelo Nalishiba nganshi ukufilya. Kibili, namwishiba, nali Baptisti. Nshatemwa ukusansa; Ine mucine Nalitemwa ukufibabatisha, mucine ukubika ubuci kuli fyena. Eico Nalikwete akakopo kansukale uwamuto, kali nga *ifi* ukulepa, kali palya, citika wagaloni uwafitumbuwa.

²⁶ Kibili kalya kantu akanono, namwishiba, cibuli alitemwa ifyalowa, nangu cibe ifyo. Kaliswile ilya imbeketi yansukale iyamuto. Kibili kalikele palya necisansa nga *ifi* ukwina ubukulu. Kibili kalikete muminwe yakako, kibili alitumpikemo nolukasa, nokulamyanga nga *ifi*, mwamona. Ico nacilungama. Kibili kena kalemyanga lulyo lulimi ulunono. Kibili Natampile... Kibili Inkwata kamela, nga Nacilangisha ico muno lucelo, ukuti mumonepo. Kibili kali palya, kalebika ulukasa lwakako ulunono mulya, nokumyanga nga *filya*. Kibili Nabilikishe ukutila, "Fumapo apo," nga *filya*. Kibili kena takaposeleko namano kuli ine, kibili katwalilifye ukumyanga nga *filya*. Kena kalipwile ukuyanga fyonse ifyali mumbeketi, mwamona.

²⁷ Kibili Nali kapundile nga *filya*, kalipilibwike nokundolesha nga *ifi*. Kalifililwe ukwisula amenso yakako, yalisalike kumuto wansukale, mwamona. Ponse pamenso yakako, ifumo lyakako ilinono, ilyaisulamofye ubuci nga fintu lyali! Kibili nomba, panuma yakashita, kaishiletalantanta ukuya kumbali, kabutukila kuli nyina. Bakasendele mulya mumpanga

nokutampa ukukamyanga. Baletina ukwisa kumbeketi, lelo bena bakamyangile.

²⁸ Kibili Natile, “Nga ico tecipasho ica kusuma, ukulongana kwakale ukwa pentecosti; kuba abaisushiwa nganshi, kufintu ifisuma, bena balafuma, kibili umuntu umo alamyanga ukufumya kuli cena. Kulya kulongana ukwacine ukwe senge. Nomba twisafye nga ifi, ukuti tubike amaboko yesu mumbeketi, cila umo muli ifwe, ukufikafye kukaboyo, kumapalo yakwa Lesa. Kibili Ndi uwashininkisha ukuti muli nokusanga ico kukupuputulwa uko kulebela kulya ku Assemblies of God, ukulecitika kwisamba kulya nomba. Shikulu amipale.

²⁹ Natile mu Phoenix, ubushiku bumbi, umunono... Ndesubila tacaumfwike ica bukapепa bwacilamo, palwa kusekesha ukunono palwa kwakapyunga uyo uwingaya kucintamba cila lucelo, pamyaka amakumi yabili, namaka, ena kuti ashimikila amaminiti amakumi yabili, nokupwisha, kibili eico bena tabaishibe umulandu cabelele ifyo. Kibili eico, ulucelo lomo, ashimikile nalimo ama ora yane. Kibili ba—ba dikoni balimwatile ukumubwesha, kibili—kibili batile, “Ba kakumba, ifwe mucine twalimitemwa.” Atile, “Ifwe—ifwe tutontonkanya ukutila imbila shenu shisuma.” Kibili atile, “Twalishiba, ngebumba lyaba dikoni, twalemimona nokumona pankoloko, bwino bwino amaminiti amakumi yabili cila lucelo pa Mulungu.” Kibili atile, “Luno lucelo caciba ama ora yane.” Atile, “Ifwe natufilwa ukwisha efyo cabela ifyo.”

³⁰ Atile, “Nalamyeba, mwebabwananyina.” Atile, “Cila lucelo, ilyo Nja mukushimikila,” atile, “ilyo munjita kucintamba, Ndabula nokubika kamò pali utu tu switi beta Life Saver pansi yalulimi lwandi. Kibili,” atile, “mumaminiti amakumi yabili, ilyo ka Life Saver kapwa,” atile, “Ni—Ni—Ninshi nimpwisha,” atile, “Ndeshiba ukutila ninshita yakuleka.” Kibili atile, “Impuso yacibako luno lucelo, Nacibula ibatani.”

³¹ Carl Williams, Jewel Rose, ba munyinane kibili fibusa fyandi, baile kumatuka ubushiku bumbi, nokuyasenda ibatani ilikalamba nga *ifi* ilikalamba ukushinguluka, ukuti bampele, kibili, Nshilikwete muno lucelo. Eico, tuletasha nganshi pakuba pano.

³² Nomba, bushe kuliko bamu abaihiba Dokota Lee Vayle? Nshiletontonkanya...nalimo iyo. Ali nikashimikila waku Baptista, Dokota wafya Bulesa, kibili alikwata ba digri bakwe. Aali nikafundisha wakusukulu lyamasambililo yapantanshi, pakutampa, kibili aliba umusuma nganshi, umwaume wafyamasambililo. Kibili amatepu yandi aya *Nkulo Shama Chalichi Cinelubali*, naliyatamine kuli ena, ukuti atantamike bwino amashiwi. Pantu, Kentucky yandi iyakle, “ukuma, nshikwete, nokusenda, nokwimya, nokusenda,” tayawamina abantu ababelenga amabuuku, eico aali

nokuntantikilako amashiwi bwino. Kibili nomba, panuma apitamo, alintumine imiku ibili, icakuti nondolole. Eico, ibuuku lili nokufuma nomba, panuma nalimo itatu nangu ine imyaka.

³³ Alinjipwishe, atile, “Bushe cuti Nalemba ibuuku, palwa fyakulandapo fyandi?”

Kibili Natile, “Ukuba, cilifye bwino, Munyina Lee.” Kibili Natontonkenye . . .

³⁴ Nomba atile, “Nalakweba icintu cimo.” Atile, “Lyena telyakushitisha; kupelwa.”

Natile, “Ukuba, nomba, Ndi uwashininkisha ukutila ico cilifye bwino.” Mwamona?

³⁵ Kibili balibikilepo indalamu, pabantu ikumi ukubikapo indalamu, baposele nalimo ama dolla ikana limo ne myanda isano, Ndetontonkanya, Ndemonia ukutila, pa makana ikumi ayamabuuku. Kibili twali—twaliyasenda, yafumine uko baleyalembela inshiku shibili ishapitapo, kibili twalibulilepo yabili nangu yatatu, mailo, na Billy aliyaletete. Kibili yena yali—yena yalipelwa. Nomba, Nshatala ibelengapo, Nshishibie ifyo alandile. Lelo Ndi . . . Ici ni kucicetekelo. Lelo Ndi uwashininkisha, nga cuti mwafwaya ukukwata limo, nga cuti mwatulembelafye, lili nokutumwa kuli imwe, ukwabula ukulipila. Mwamona? Kibili lileitwa *Kasesema Uwa Mu Myaka Imyanda Amakumi Yabili*.

³⁶ Kibili nomba Nalimwene mucikope pano, kuntanshi yebuuku, mwebengi namukwata ici cikope, mucine, noku Cimona, kulya eko Malaika wakwa Shikulu asendelwe ku Houston, Texas. Lelo bena baliputwileko iciputulwa kuli Cena.

³⁷ Nomba Namona pano kunuma. Kibili nibanga pano abasangwapo mukulongana kumo, natumone? Ndemonia mukucitwa imwe bonse mwalisangwako. Mwaling’umfwanda ndelanda, inshita ishingi ukutila, “Icinshingwa ico icikobeme pamuntu umo.” Nomba, moneni, nga mwalanda icintu, kibili tecishinka, Lesa takakwate nangu cimo icakucita naco. Mwalishiba ukutila Lesa tampana nefyabufi, lelo atungilafye eyo Amona ukutila ici cishinka.

³⁸ Eico ilyo Aebele Mose, ilyo Amukumenye mulya mumatololo, mu Ntumba ya Mulilo, kunuma muli cilya cimpusa icalepja, lyena ilyo Afumishe balya bantu, kibili balya abengakonka Mose, pabulendo, nomba Aishileika pa Lupili Iwa Sinai, ilya ine Ntumba ya Mulilo, kibili nokushininkisha ukutila ifyo Mose alandile fyali ifyacine.

³⁹ Nomba, Lesa alinokucita ico. Ena lyonse alacita ico. Eico ulu Lubuuto *pano*, mucine, tu Lwampanya na Lesa, pantu Cena calikwata icifyalilwa cimo cine nefintu fyonse ifyo Acitile ilyo Aali pano pesonde.

⁴⁰ Kibili pali ico, ukutila, “Uyu muntu pano, Ndekumona naukupikilwa ku mfwa, icinshingwa icafigita.” Nibanga, mwebengi mwalyumfwa ico ukulandwa! Ukuba, muno mukulongana ptapapitile akashita, kwaliko umuntu umo uwalefyaya ukwisha, balefwaya ukumona nga bena kuti bacikopa ico, ilyo Cena calandilwe. Eico bena...Kwaliko namayo uwaikele mupepi, kibili uyu mwaume alikwete kamela. Kibili Natile, “Uyu namayo uwikele apa, ni Missisi *Wakuti-na-wakuti*,” conse ifyo cingaba. Natile, “Ena nakupwa ne cinshingwa camfwa, lelo nakwata impwalonda.” Kibili lilya linefyre akopa icikope, pantu cali mupepi. Kibili cali palya, mwamona, cilya icisote, ipwalonda iyafita ilya mfwa nalikupa namayo. Kibili nomba Mupashi wa Mushilo alandile nakabili...

⁴¹ Nomba, ilyo bena babikile ici mwibuuku, bena baliciputwile, eico babikilefyre ici umu mpaka inshita bakapangilapo amabuuku nayambi. Kibili emulandu mulemwena ibula ililelebela mulya. Ndetontonkanya bakalemba abetwa *I Shivi Lya Kundapa* eba fumishe ili buuku.

⁴² Kibili nomba telyakushita nangu panono. Kibili namashina yababikilepo indalamu pakulifumya kunuma kuno kunuma yebuuku, ababikilepo amadola ikana limo nemyanda isano, icakuti lifike kucintu bwingi, ukuti icintu bwingi ciyabelenge. Eico, telyakushita, kibili libuuku ilinono ilisuma. Kibili Nshishibe ifyaba mukati, Nshatala libelengapo; Taata alishiba ico.

⁴³ Lelo mwamona, Cena cali, kuli ine, Cena Cine capwililika. Cilya eco tuloleshapo, cena Cine. Yesu atile, “Mukeshiba Icine, Icine cikamilenga abantungwa.” Kibili Ena eico Cine. Ena ni, Yesu, Umwana wakwa Lesa, e Cine ica Cebo, pantu Ena aali Cebo ukupangwa umubili. “Mukutendeka kwali Cebo, kibili Cebo aali pamo na Lesa, kibili Cebo aali ni Lesa. Kibili i Cebo capangilwe umubili nokwikala pakati kesu.” Nomba, ico calengele Ena ukuba Icine, pantu i Cebo e Cine, kibili Ena aali Cine.

⁴⁴ Nomba ilyo ifwe twa Mumona ukubwela muli ishi nshiku shakulekelesha, uku kusela ukukalamba ukwakwa Lesa, ukupita mufyalo fyamwisonde, ukulonganya abantu bakwa Nabwinga, ico Cishinka.

⁴⁵ Imyaka yapitapo, batile, “Takwali icintu ca musango ifi ngo kulandila mu ndimi. Cali icabuwelewele.” Lesa alilaile cena, kibili Ena ashininkishe cena ukuba Icine. Ico cishinka.

⁴⁶ Umo muntu acitila, muno lucelo, Ndecetekela caciba ninkashi yesu uwacindama kulya uulolesha pabaice palwa lubatisho lwabo, atile, “Kuti waumfwa umuntu umo alelandila mundimi. Lelo, ukumfwa umuntu umo aleimba mundimi, mwamona, cena cali icintu icaemba nganshi.”

⁴⁷ Ndeibukisha ico napitilemo intanshi Nali ku Rediger Tabernacle mu Fort Wayne, Indiana. Kibili Nalelanda, twakwete ukulongana kwakundapa, panuma yamfwa yakwa—iyakwa Munyina B. E. Rediger. Kibili Munyina Bosworth eko ali kulya, Paul Rader. Kibili naimwe mwebengi mwebakalamba, nga ine, imwe muleibukisha Paul Rader; kibili aali waku Baptisti, kibili ifwe efyo twali, eico twali ifibusa ifikalamba. Kibili eico ilyo nalelanda kulya, bali nokupepela abalwele. Cena cali icintu iceni kuli bena lilya. Lelo namayo aliletete akalumendo akanono kulya, akalemana, kibili, ilyo aishile kucintamba, icimonwa cakwa Shikulu calimoneke nokumweba ubwafya bonse ubwali nomwana umunono. Kibili Nalipwishe umukashana ukumpela—ukumpela akalumendo akaice.

⁴⁸ Nomba pabunte bwakwa nkashi, pakutila mwingamona ukusangalala kibili nafintu icintu icituntulu ica—icakusenamina kwakwa Lesa, ifyo Kwena kwingacita, ilyo Kwena kwabombele ukulingana ne Cebo cakwa Lesa, mwamona, ubulayo bwakwa Lesa ubwa ino nshita.

⁴⁹ Nomba, ubulayo bwakwa Lesa kuli Noa tekuti butubombele ifwe ileelo. Ubulayo bwakwa Lesa kuli—kuli Mose, ifwe tekuti tukwate i Mbila yakwa Mose. Mose tekuti akwate imbila yakwa Noa. Ifwe twalikwata i Mbila ya ora. Ifwe tekuti tukwate imbila yakwa Luther. Ifwe tekuti tukwate imbila yakwa Wesley. Ino ni nshita imbi. Lesa alipele i Cebo Cakwe kuli cila nkulo. Kibili ilyo ilya nkulo yaisa, Alatuma umo kulya kukushininkisha cilya Cebo, ukushininkisha ukutila cilya cishinka. Kibili nomba tulemona muli cila umo lilya, nga fintu Yesu alandile ilyo Aali pesonde, Atile, “Mulakula inshishi shaba kasesema, kibili bashinwe ebababikile mulya.”

⁵⁰ Nomba, abantu bandi niba Katolika, ngefyo mwaishiba, ndi mu Irish. Nomba ifwe... Nomba bena—bena balanda palwa kwa Patrick Washila, ba Katolika balanda ukutila wabo. Ukuba, ena abafye nga Katolika nganshi nga fintu Naba. Bena balanda palwa Joan wa ku Arc. Baocele ulyo mukashana pacimuti, ukutila nindoshi, ifwe bonse twalishiba ico, pantu ena aali uwabumupashi kibili alemona ifimonwa. Pantu, panuma yamyaka imyanda ibili, balimbile imibili yabalya bashimapepo, nokulomba ubwelelo, no kubaposa mumumana. Lelo ico tefyo caba, mwamona.

⁵¹ Bena lyonse balacipusa. Umuntu lyonse alalumbanya Lesa pafyo Acitile, ukulolesha pafyo Akaba, kibili ukukana lolesha pafyo Alecita. Ico cabafye icifyalilwa camuntu. Kibili ena tapililuba icifyalilwa cakwe, umuntu wesonde.

⁵² Eico tulesanga ukutila i Mbila yesu ili, ileelo, i Mbila iyo twakwata, iya, “Fumeni mu Babyloni, kibili beni abantungwa, kibili—kibili isushiweni no Mupashi, kibili wamyeni inyali shenu, kibili, lolesheni pamulu, ukulubulwa

kwesu nakupalama,” ifi fintu fyaliba ifyeni kubantu abengi abo abapema nokwita i Shina lyakwa Shikulwifwe umusuma.

⁵³ Lelo nomba pakati kafyonse ifyo, tatwakwata nangu cimo icakususha balya bantu, balya bantu bamufilonganino. Bena balifye bwino, bena balifye bwino. Bena besu—bena tubombela capamo mu Mbila nsuma, pantu Yesu atile, “Takuli umuntu uwingesa kuli Ine kano Taata Wandi amwita. Kibili—kibili bonse abo Taata Ampela, bakesa.”

⁵⁴ Eico, ifwe twabafye nomulimo wakubyala Imbuto. Shimo shaponene mumbali yanshila, mumusango wapusana pusana umushili, shimo shaponene kulya nokuleta umwanda umo. Eico, ifwe tulifye bakabyala ba Mbuto. Lesa E Umo uu Lulangilila ilyo Lulepona. Kibili nomba tulepepa ukutila nalimo, muno lucelo, kuti kwaba u Lubuto ulunono ulwingaponena pancende pamo, ico kuti cakoselesha umuntu umo. Kibili nga u—u—umuntu . . .

⁵⁵ Ukupwisha ubunte bwandi palwa mukashana umunono uo Nacība nokulandapo. Uyu namayo alileteli akalumendo akanono, umulumento umunono, Nde elenganya, nalimo ikumi, imyaka yakufyalwa ikumi limo naibili, kibili nalimo tekufika uko, pantu uyu namayo alimwimishe. Kibili amuletele. Kibili ilyo line, ilyo Nalepela ipepo lya mwana, umulumento umunono alitolweke ukufuma mumaboko yandi kibili aile alebutuka pansi pacintamba, nalimo amakana amakumi yatatu na fisano nangu abantu amakana yane. Kibili ilyo bamwene ico, icintu cantanshi ico batalilemona ukucitwa, nyina, aikele pacipuna capantanshi, aishile pona umutombo nokuponena kuntanshi. Kibili umunono umukashana umu Amish . . .

⁵⁶ Bushe ba Amish mwalibeshiba? Nshishibe kuno nga cakutila eko baba, imishishi iitali, bena bantu abasuma nganshi, kibili ababula ubwafya nangu panono kibili abasuma. Namwishiba, muli bonse aba Mennonite, nangu abena Amish, nefyaba ngefyo, tatwakwata ilyashi nangu limo ilya bucintomfwa bwabana abanono. Kuti mwabeta abakusekesha nga mulefwaya ukucita ifyo, lelo ifwe—ifwe twalkwata icintu cimo icabulila mumayanda yesu, ico bena bakwata. Tabakwata ifyalembwa nangu fimo muayanda yamafunde, palwa—palwa mwana umunono ukukana umfwa pakati kabo. Bakusha abana babo, mu mushilafye imo, kibili iyo enshila bacitilamo.

⁵⁷ Kibili uyu namaayo aali kalisha wacinanada uwaishibikwa, namayo umusuma nganshi, nemishishi iiltali, iyamutuntula nakakila kunuma. Kibili ilyo aloleshe kuntanshi . . . Nomba, ena aali umu Amish, taishibe nangu cimo palwa Pentecost, na Ine wine pamo. Lelo ilyo aloleshe kucintamba, kibili amwene kalya kalumendo kaleya, kaleenda kaleya kulya, aposele amaboko yakwe mumulu.

⁵⁸ Nomba, Ninjishiba ukutila kwaliba ukufulungana, kibili Ndesubila ukutila Nshili uwakukana ba ico. Nshi—Nshili

uwabufi. Kibili Nshi—Nshili. Nga Ndi mucilubo, Nshi—Nshibelele mucilubo itolo, Ndi mucilubo mukukana ishiba.

⁵⁹ Lelo ulya umukashana aposele amaboko yakwe mumulu, kibili ilya mishishi yalikakwike yaponena pamabeya yakwe, kibili atampile ukwimbila mululimi ulushaishibikwa. Kibili alelisha lulya lwimbo, “Shing’anga Umukalamba nomba ali mupepi, Yesu uwaluse.” Kibili ilyo atolweke ukufuma kulya... Ninjishiba ici cileumfwika iceni nganshi nomba. Lelo uyu mukashana tatalile ishibapo icintu nangu cimo palwa kulandila mundimi, lelo aleimba mululimi ulushaishibikwa, “Shing’anga Umukalamba nomba ali mupepi, Yesu uwaluse.” Kibili cilya cinanda catwalilile ukulila mulwimbo, “Shing’anga Umukalamba nomba ali mupepi, Yesu uwaluse.” Ukuba, baliswile pafipailo, nampamputule wapamulu, pansi, abantu ninshi balepunda! Umukashana naimininina palya, nalolesha necinso cakwe kumulu nga *ifyo*, alelandila mundimi shimbi; kibili, icinanda, ifyakulishishako ifyabuta fyali fileenda:

Shing’anga ali mupepi,
Shina lyakwe ni Yesu,
Nga Alanda imitima yabulanda ilaba
nensansa,
Takwaba i Shina limbi kano Yesu.

⁶⁰ Oh! Cena cili... “Ilinsio talyamona, kibili ukutwi takwaumfwa, ico batubikila ifwe.” Namwishiba ico Ndetontonkanya? Mulandau ninshi mwingga—mulandu nshi mwingsasuminina ukuipela icintu cimbi icakupyanishapo nangu icintu cimbi icakuipanga ukucetekela, ilyo imyulu ili iyaisula nayacine, Amaka yakwa Lesa ayacine, ayo ayenga pususha umweo, ayengatucitura icintu cimo? Lesa amipale. Nomba, kwaliba ifintu ifingi nganshi.

⁶¹ Nshamyebapo ukwakufumya ili ibuuku, mwamona. Post Office Box 325, ku Jeffersonville. Kibili nga kuti mwalemba, mulandu nshi, bena kuti balituma kuli imwe. Nangu, nangula, ukwisa kuli umo umusonkano, bena bakulayapela.

⁶² Nomba, Ndetasha nganshi pali iyi nshita iisuma iyesenge. Kibili muno lucelo Nacilatontonkanya palyashi ilinono ilyo Nalelandapo ku Bena Kristu Abaume Bashimakwebo, palwa kwa Zakeyo. Mwebengi mwalyumfwa ndelandapo, pafyo uyu umuntu umunono tacetekele muli uku kulingulula, kibili, muli Shikulu. Pantu, Ndemonia, nga fintu tukwata munkulo ili yonse, mulemona icintu icituntulu, kibili mwamona bakapashanya. Kibili tulingeleye ukushipikisha kuli ico. Lelo abasuma, abatontonkanya ifituntulu kibili abantu aba mu Malembo baleluka, mwamona. Ico, ifwe, kibili te mulandu...

⁶³ Ilyo Missisi Aimee Semple McPherson, ilyo aali pano pesonde, muli bukapyunga bwakwe. batile pepi naonse namayo

kashimikila alefwala ifyo ifyakufwala, kwati, namwishiba, nangu imingila iyaba ngefyo, kibili balesenda Baibebe.

⁶⁴ Loleshenifye kuli ba Billy Graham abali mucalo ileelo. Lelo, namwishiba, Billy Graham tekuti asende icifulo cenu. Ine tekuti nsende icifulo cakwa Billy, ena tekuti ambule icandi. Ine tekuti nsende iyobe, kibili iwe tekuti usende ukwandi. Uli muntu, muli Lesa. Lesa akupangile munshila wabelamo, pamulandu umo. Nga kuti twasangafye icifulo cesu, nokwikalamo. Nga twaesha ukucita icintu cimo icapusanako, ninshi, mwamona, ifwe tuli—ifwe tuli muncende yamuntu umbi, ifyo kuti twaonaula icikope cakwa Lesa.

⁶⁵ Nga twabula kwati Billy Graham mwi sonde lya cilonganino ileelo, kibili ali, nga kuti twacitakateya wamupila, nakwata umupila.

⁶⁶ Nomba nga waesha ukupoka umupila kumuntu obe wemwine, ulefulunganyafye ibumba lyobe. Cingilila umuntu obe, mwamona. Ukonkanyepofye ukumucingilila, sunga bonse icakuti atwalililepo ukubutuka. Kibili ifwe tuli nokufika panuma ya kashita, kibili Yesu ali nokwisa, kibili lyena fyonse fikapwa. Shikulu amipale.

⁶⁷ Nomba Nalalandapo pali uyu muntu, Zakeyo. Kibili Nalimumwene nanina kucimuti cimo, namwishiba, naifimba namabula. Kibili nomba ilyo aikile kucimuti, aile kung'anda na Yesu. Kibili Natile, "Aishileba membala uwa Mbila nsuma Iyapwililika iya Bashimakwebo Abaume." Eico nga kuliko Zakeyo uuli onse muno, muno lucelo, Ndesubila uli nokusenda ukupandwa amano ukusuma nokuba membala wa Bashimakwebo Abaume aba Mbilansuma Yapwililika.

Mwatila, "Imbila nsuma Yapwililika?" Ee, mukwai.

⁶⁸ Ico ecintufye ceka ico Yesu ali nokushimikilamo, cali nokuba i Mbila nsuma yapwililika. Ico nacilungama. Bushe ico tacilungeme? Mucine, pantu Ena aali ni Mbila nsuma yapwililika. Ico nacilungama. Ena tekuti aikane Umwine.

⁶⁹ Lelo nomba Ninkwata Amalembo ayanono ayalembelwe pano, ayesambililo ilinono, ilyaishibikwa, cena tacamsende kano fye ama miniti ayanono, nga imwe mwalashipikisha na ine. Kibili ilyo tatulacita ici... Nomba, mwisenge lyesu ilinono iyakulongana pamo, nokulanda palwa maboko yakwa cibuli, mumbeketi, kibili nafimbipo, nomba natufumyepofye fyonse ifi, nokutontonkanya ukutila tuleishibana. Kibili, kibili tulefwaya nomba ukwingila mucashika iciputulwa ca Cebo.

⁷⁰ Natukontamike imitwe yesu nomba, ilyo tule Cipalama. Pantu, tatukwete insambu yakupalamina ku Cebo, ukwabula ukulanda kuli Kalemba, intanshi.

⁷¹ Ne mitwe yesu iyakontamikwa, namenso yesu ayaisalwa, kibili Ndesubila ukutila imitima yesu ili iyakontamikwa

pamo nemitwe yesu. Ndeingililamo, ilyo Naimya amenso yandi nokulolesha mabantu, nga kuti mkwaba umuntu umo pano uwingatila, mukwimya amaboko yabo, "Munyina, kapyunga, njibukisheni mwipepo. Ndi—Ndi uwakabila ileelo"? Lesa akupale. Lesa akupale. Nomba Alemona ukuboko kobe. Alishiba ico cili pesamba lyakuboko kobe, mumutima obe. Lekeni Amipele, epepo lyandi.

⁷² Mwe watemwikwa Lesa, nga fintu tuletasha pali ici cikulwa ico ifwe, abana Benu abapetama, kuti twalongana fwebene capamo pesamba pano, nokulandafye nokukwata isenge, ukubafye fweka, ilyo tuleipela fwebene kuli Kristu, nokukabila ukuba nganshi nga Ena. Ifwe tuli bamunyina abalepyunga abekele mupepi, Shikulu, abantu abo abali abalinga nganshi ukwiminina kuno mukupela ici Cebo ukucila Ie, umubomfi Wenu ushalinga, lelo ciwilile pali ine. Kibili, Taata, Napapa, ileelo, ukutila nga kuti Nalanda icintu cimo ico cishingalingana nobufwayo bwakwa Lesa, ukutila, ilyo Nshilacilanda cena, Imwe kuti mwanjisala akanwa; nga fintu Mwacitile utunwa twankalamu, ubushiku bumo, ukutila shingakana cusha Daniele.

⁷³ Mwe Taata, tule Milomba nomba ukutila mwibukishe cila umo nabonse, kapyunga onse. Kibili uku kupuputulwa kulecitika muno mumusumba, Shikulu, kuli ba Assemblies of God, Napapa, mwe Lesa, ukutila Mwalatuma ukupuputulwa mulya ukutila uyu musumba onse ukasunkanishiwe na Maka yakwa Lesa, ukutila fyonse ifi fikulwa fyabwalwa kibili abana bonse mumusebo bakaletwa ku Cipuna cabufumu icakwa Lesa, nokwisushiwa nobusuma Bwakwe kibili no Mupashi Wakwe. Peleni ici, Taata uwa mu Myulu.

⁷⁴ Kibili tulepepa ukutila ileelo, ukutila nga kuliko umwaume nangu umwanakashi, umulumendo nangu umukashana, abo abaleta muli uku kulongana muno lucelo, kuno kucintelelwé ukufuma ku mfula yabuta, ukutila Umupashi wa Mushilo ukalamba uli nokutandalila umutima wabo nokulanda kuli bena, mumusango uwakupapusha. Nalimo bambo abasensenunwa, abo aba Mitemenwe, Shikulu, lelo nomba baliya; babwesheni, mwe Shikulu, muno lucelo.

⁷⁵ Kibili twapepela ici chapitala, Munyina Earl nomukashi wakwe, kibili nabambi. Peleni ico, mwe Shikulu.

⁷⁶ Nomba mokauleni kuli ifwe u Mukate wa Mweo, ilyo ifwe tuleisula amabula ya Cebo, pantu twalishiba Baibebe teyakuilwila kumbali. Lelo, Lesa takabila ifwe ukwilula i Cebo Cakwe, Ena alailwila Umwine Eka. Ubushiku bumo atile, "Napabe ulubuuto," kibili kwali ulubuuto. Atile, "Nacisungu akemita," kibili alicitile ico. "Kibili munshiku shakulekelesha Nkapongolwela Umupashi Wandi pa bantunse bonse," temulandu ifyo isonde lyalandile, Ena alicicitile. Ena

takabila kelula. Ena alalondolola Ifyebo Fyakwe Umwine, paku Cilenga ukuba nomweo noku Cishininkisha ukuba ifyo. Iseni mumitima yesu, Shikulu Yesu, nokwilula kuli ifwe, ileelo, ifintu ifyo tulekabila. Twalombela cena mwi Shina lyakwa Yesu. Ameni.

⁷⁷ Nomba muli Baibele, nga kuti mwapilibula. Ndecetekela Nshatala kwatapo imfila iyo Naeseshe ukulandapo, iyo Nshatala belengapo intanshi i Cebo. Pantu, icebo candi cikafilwa, Ndi muntu. Lelo i Cebo Cakwe tekuti cofilwefye, Ena ni Lesa. Eico, natupilibule apakubelenga apanono, kabilis twalafumafye nalimo mumakumi yatatu, amaminiti amakumi yane, Shikulu ngasuminisha.

⁷⁸ Mu Kusokolola nomba, tulefwaya twisule muli chapitala 3 uwamu Kusokolola, ukutampila pa versi 14. Kibili tulefwaya ukubelengafye icipandwa, ni Mbila ya Nkulo ya Chalichi ca Laodekeya. Kibili Ndecetekela, kibili Nde—Ndetontonkanya abantu abaisulamo u Mupashi-abengi kibili bakabelenga wa Baibele abacetekela, kuti batila *ameni* kuli ico, ukutila tulimu Nkulo ya Chalichi ca Laodekeya, pantu iyo enkulo ya kulekelesha. Kutikeni ku Mbila ya mibele ya chalichi pali iyi nshita.

Kibili nakuli malaika wa chalichi ca... Laodekeya lemba auti; Ifi fintu efya sosa Ameni, uwa cishinka kibili inte iya cine, ukutendeka kwa bubumbo bwakwa Lesa;

Nalishiba imilimo yenu,... tamwaba abakaba nangu abatalala: Kuti nafwaya ukutila imwe mwaba abatalala nangu abakaba.

Eico nomba pantu imwe muli abacifulefule, kibili tamuli nangula abatalala nangula abakaba, Ndi nokufwisa imwe ukufuma mu kanwa kandi.

Pantu imwe mutila, Ndi mukankala, kibili nalifula ne fyuma, kibili nshikabila nangu cimo; kibili tawaishiba iwe ukutila iwe walipomonwa,... umulanda,... umupina,... impofu, kibili ubwamba:

Ndekupanda amano ukushita kuli ine golide uwalopololwa mu...mu mulilo, ukutila iwe ube umukankala; nefyakufwala fya buuta, ukutila iwe ufwikwe ifykufwala, ukutila ifya nsoni fya bwamba bobe fimoneka; kibili nokusuba mu meno yobe no muti wamu meno, ukutila wingamona.

Abengi abo Natemwa, Ndabakalipila nokubafopaula: eico ube uwapimpa, nokulapila.

Mona, Ninjimina pa mwinshi, nokukonkonsha: ngacakutila umuntu onse aumfwa ishiwi lyandi,

nokwisula iciibi, Ndinokwisa kuli ena, kibili nokulya pamo na ena, na ena ukuba pamo na ine.

Kuli uyo uwacimfyia Ali nokwikala pamo na ine pa cipuna cabufumu pamo ngefyio Naine pamo nalicimfyia, pamo ngefyio Naine pamo nalicimfyia, kibili naikala pamo na Taata pa cipuma ca bufumu bwakwe.

Uyo uuli nokutwi, lekeni omfwe ico u Mupashi ulelanda kuma chalichi.

⁷⁹ Shikulu apale ukulelenga kwa ici Cebo. Nomba Ndefwaya ukubula, pa nshita ishinono, isambililo ilinono, ilileitwa, *Ifiibi mu Ciibi. Ifiibi Mu Ciibi*. Nomba ici cili nganshi... *Ifiibi Mu Ciibi*, yali amashiwi yatatu. *Ifiibi Mu Ciibi*.

⁸⁰ Limbi kuti watila kuli ine, “Munyina, kuli limbi umwanda umo uwabantu pano. Kulya, bushe tamuletontonkanya ukutila ililili lisambililo linono, lintu mukwete ku cinsو umwanda umo uwamyeo?”

⁸¹ Ukuba, ico, ico kuti caba ica cine, i—isambililo lili ilinono. Lelo tebukalamba ubwe sambililo, ubu—ubu pendwa, fintu lyena lili. Fintu—fintu isambililo lilelanda, ico eci penwa.

⁸² Kwati, Nincetekela cali mu Louisville, Kentucky, inshita yapitako, i—umulumendo munono ali mulya mukamuputule akanono aka pa muulu, aleangala mu mbukuli shakale mumuputule unono, kibili asangile stampa yakale iya kutuminapo amakalata. Ukuba, icintu cakubalilapo mu mano yakwe, ukuti engasanga umukaka wakamantana uwatalala ne nsukalimo pali cilya. Kwali uwalesunga mulya mu musebo, eico atampileko ukuya mu musebo, mumaka ngefyo engaya. Nokutila, “Cinshi ico walampela pali iyi stampa?”

⁸³ Kasunga alolesha pali yena, kibili yali iya cucuka. Atile, “Nalakupela dolla imo.”

⁸⁴ Owe, ico cashitishiwe bwangu bwangu. Ena ngalicilekeleko kuli kobili, elyo kibili ali uwansansa kuli cena, ukusenda akashilwa ka menshi makasa yamukaka nensukale, lelo kena kashitishiwe pali dolla. Kasunga ashitishe pama dolla imyanda isano. Kibili panuma, Nshishibefye uko caile, caaile muma dolla imyanda iingi. Mwamona, akapimfyia kakapepala takali nangu cimo, kapepalafye ako ushingatola pansi. Lelo, tekapepala ekali akakankala, fintu fyali pakapepala, efyali ifikankala.

⁸⁵ Kibili efyo caba napakubelenga i Cebo cakwa Lesa. Tekapepalafye, ubukankala ubwe pepala, nangu ubukulu wepepala, cena ecalembwa pali lilya ipepala. Kibili ishiwi limo lyalilinga ukupususha isonde, nga kuti lyapokelelwa muli iyo nshila.

⁸⁶ Inshita iyapitapo kwali... Nalibelengele ilyashi ilyamunshiku lyabashimucindikwa besu... Umo pali ba Kateeka abakalamba nganshi abo Ntontonkanya abo

icalo cakwete—cakwete ni Lincoln. Tepamulandu wakutila afumine ku Kentucky, lelo pamulandu wakutila aali umuntu umukalamba. Ena takwete neshuko lyakusambilila, lelo nomba mwali—mwali icintu cimo mumutima wakwe, amapange yamo.

⁸⁷ Na—Nalitemwa umuntu uwakwata icimonwa. Nalitemwa abantu abakwata icintu cimo ico balelwilapo, tekwikalafye nokutila, “Ukuba, icikesa conse cilifye bwino.” Oh, ima ube naco! Kibili Lincoln talekele amasambililo yakwe ukwiminina munshila; ena alikwete icintu cimo icakucita. Ndetontonkanya umwina Kristu onse alingile ukuba ulya musango, fwayeni umulimo wenu noku ubomba.

⁸⁸ Membala onse uwa ici chapitala, tekutilafye, “Ukuba, tulakwata umwikulo umuku umo pamweshi,” teifyo, “nangu inshita imo pa Cibelushi onse.” Kwata apo waiminina mubwikashi, icintu cimo ico uli nokucita. Lekeni ifwe tucite ico. Lesa alikubika pano; ukacitepo icintu cimo palwa ico, membala onse uwa chalichi conse. Kuli ukupuputulwa mumusumba. Uko kupuputulwa kubeleleko icentu cimo. Lekeni tusendeko icintu cimo ukufuma muli kwena. Lekeni tucite icintu cimo palwa ico.

⁸⁹ Mista Lincoln. Kwaliko umuntu uyo... umulumendo, ena—ena aali mubulwi, kibili—kibili ena aali—ena aali nikuwe, icakwambilapo. Kibili munshita yancito, ena—ena—ena alifuminepo pantu alebombela; kibili bena basangile icintu cimo icakumupelelapo umulandu, ico bali nokumulashilapo. Kibili, oh, ena... cali icabipisha. Kibili umo umuntu umunono alimutemenwe nganshi, aile kuli Mista Lincoln, mukumupokelako ubwelelo. Ewalipo Kateka pali iyo nshita, mu United States muno, kibili eico aile kuli ena mukumulombelako ukuti bamwelele.

⁹⁰ Kibili atile kuli ena, ilyo alefuma peceleta lyakwe; kibili Mista Lincoln, umutali, uwamwefu, uwamoneka ukutila wakumasamba, uwaonda. Kibili atile, “Mista Lincoln, kuli umulumendo uuli nokufwa, munshiku shibili ukufuma lelo, balinokumulasa, pantu alibutwike munshita yabulwi.” Kibili atile, “Mista Lincoln, umulumendo te mulumendo uwabipa. Lelo bonse balya bamututila balelila, kibili—kibili abantu balefwa, ena aali nomwenso. Kibili aliumfwa ububi nganshi, icakutila, ena aimishe amaboko yakwe nokutendeka ukupunda.” Alibutwike, atile, “Nalimwisha umulumendo.” Atile, “Mista Lincoln, ishina lyenufye pakaputulwa kepepala kuti lyamupususha. Bushe kuti mwacita ico?”

⁹¹ Namucine, uyu shimucindikwa umwina Kristu, mukwangufyanya alembele pepepala, “Eeleniko, Wakuti-na-wakuti.” Alembele ishina lyakwe, “Abraham Lincoln, Kateka wamu United States.”

⁹² Inkombe yalibwekelamo ulubilo nganshi ngefyo engacita. Kibili abutukile kwitolokoshi, atile, “Uli umuntungwa! Uli

umuntungwa! Apa pali iyaba Mista Lincoln, icishibilo caba Mista Lincoln. Uli umuntungwa!”

⁹³ Atile, “Malandu nshi wingeshila mukumpumya, wewishibe ukutila Nkafwa mailo?” Atile, “Cifumye pano, ulempumyafye.” Kabili alicikene. Atile, “Iyo, Nshi—Nshile cifwaya.” Atile, “Ulepangafye...” Atile, “Nga ni—ni Kateka,” atile, “kuti cakwata i—icishibilo, kabili kuti fyalembwa pepepala ilayana.”

Atile, “Nomba ili lilembo lyakwe!”

⁹⁴ Atile, “Kuti Naishiba shani icishibilo cakwe?” Atile, “Ulempumyafye, uleesha ukuti unggumfwishefuye bwino.” Kabili atendekefye ukupunda, afutatile inuma yakwe. Umulumendo bamulashile ulucelo lwakonkelepo.

⁹⁵ Nomba panuma yamulumendo ukufwa, neshina lyakwa Kateka palya pakapimfyia kepepala, ukutila alibelelwo luse, nomba cinshi? Kabili balubulwile pali uyu mulandu kucilye camubuteko. Kabili ici eco basangile kucilye cabuteko, ico caba ishintililo ilya filye fyesu fyonse. Ifyo bena balanda inshita shimo, ifwe tatutemwa ukusala kwabo, lelo tulingile ukubela ico nangu cibe fyo, mwamona, pantu ilyo eshintililo. Ico escapelako. Nomba, uku kulanda kwakutila, “Ubwelelo tabuli ubwelelo kanofye bwapokelelwa ngo bwelelo.”

⁹⁶ Kabili ifyo efyo i Cebo cakwa Lesa caba. Bwena belelwo nga Bwapokelelwa ngo bwelelo. Kabili Cena Cebo cakwa Lesa, Cena maka yakwa Lesa, kuli abo abali no ku Cicetekela noku Cisumina.

⁹⁷ Te mulandu, mulelolesha pali Cena, kabili mwatila, “Oh, balya balilufyanishiwa, balilula imiku amamillioni, nafyonse ifyo.” Cena limbi kuti caba ico kumuntu umo.

⁹⁸ Lelo, kuli ine, Cena cicili Cebo cakwa Lesa, “Yesu Kristu cimo cine mailo, ileelo, nomuyayaya.” Ena aliba nomulimo ukwikala na ico i Cebo.

⁹⁹ Nomba Ena alingile ukupingula ichalichi, ubushiku bumo. Kabili nga Ena nga akacipingula ukulingana nechalichi ca Katolika, ico bena balanda ukutila efyo Akacita, ninshi nicisa pama chalichi yaba Katolika Akabomfyia ukupingula? Fyena fyalipusana cimo necinankwe. Nga Ena akalipingula ukupitila muli ba Methodisti, imwe ba Baptisti ninshi mwaya. Nga Akapingula yena ukupitila muli ba Pentecosti, mwebashala bonse ninshi mwaya.

¹⁰⁰ Lelo Ena takacipingule cena nechalichi. Baibele itila, “Ena akapingula isonde ukupitila muli Yesu Kristu, kabili Kristu e Cebo.” Eico mwamona ifwe tatukwete umwakuleshalesha, Cena Cebo cakwa Lesa, ukutila Ena atupingula; kabili temulandu ifyo kwingacepa, ishiwi limo likankala kuli Ici, lyatile Ukusokolola 22:18.

¹⁰¹ Intanshi, Ndtendekela mu Kutendeka. Lesa apele umutundu wa buntunse i Cebo Cakwe, mukuicingilila abene ukufuma kumfwa, ulubembu, nobulanda, nangu ubusanso ubuli bonse. Umunyololo, uwa Fyebo Fyakwe. "Mwikakumya kuli ici cimuti cimo, pantu, ubushiku mukalyako, bulya bushiku mukafwa." Kabili umunyololo wakosesha palya pamulundo apo wanakisha. Kabili imyeo yesu baitintila kumbo, twikatilila kuli uyu munyololo; putula umo pali wena, icofye ceka eco mulingile ukucita. Efa tatobelepo umusela wamashiwi, atobele i Cebo, kuli Satana. Ico ecali icantanshi ice Buuku.

¹⁰² Pakati ke Buuku kwaishile Yesu, nokutila, "Umuntu takekalile umukate eka, lelo ku Cebo conse." Te ciputulwa cabena, umofye apa napalya, lelo, "I Cebo conse icifuma mukanwa kakwa Lesa."

¹⁰³ Ilyo Ena awfile, alibukile, nokuya mu Muulu, kabili abwelele no kupela Yohane . . . ico Ena alandile palya panuma yakubuka Kwakwe. Atile, "Nga cakutila . . ." Atile, "Ni cinshi icikacitika kuli *uyu* mwaume?"

¹⁰⁴ Yesu atile, "Nicinshi kuli imwe nga ena atwalilila mpaka Naisa?" Ukwabula ukwishiha bwino efyo umweo wakwe wali nokuba, lelo bukapyunga bwakwe kuti bwatwalilila. Kabili Ena alimwimishe, muchapitala ca 4 ica Kusokolola, nokumulangisha ifintu fyonse ifyo fyali nokwisa, ifyo tuleikalamo, nangula kuli ili sambililo ileelo.

¹⁰⁵ Kabili nomba pa chapitala 22, chapitala cakulekelesha, versi ya 18, Atile, "Uyo onse ukafumyako i Cebo cimo ukufuma muli ili Buuku, nangu ukulundako icebo cimo kuli Cena, iciputulwa cakwe cikafumishiwa ukufuma mwi Buuku lya Mweo." Mwamona? Eico twalicetekela ukutila umuntu ekalila ku Cebo conse icakwa Lesa. Nalicetekela kabili Nalishiba ukutila cishinka. Ifyo caba icinono, cena tacisakamika. Cena cisendafye icebo cimo, ukucicita.

¹⁰⁶ Ndetontonkanya pakucepa kabili ukukanaba icintu, ukumona ukutila abengi bacibusa bandi abena Canada abekele pano. Ndeibukisha ukutila Nali mu Canada ilyo Imfumu George . . . Umuo uo Nakwete insambu ishisuma ishakuya mupepelako, ilyo aundepwe, ukufuma kukukosa kwamumala; alecula bulya bushiku, kukukosa kwamumala, kabili alikwete nobwafya bwamumala, ifilonda fya mumala; nga fintu mwebena Canada mwaishhiba, nabena America, pamo. Lelo ukumona ena apita kulya, ukwikala muli lilya iceleta, ena—ena ali nimfumu. Alecitafye ifintu ngemfumu. Namfumu wakwe uwaembra naikala na ena, mundeleshi yakwe iyamakumbi makumbi, kabili ilyo aleisa mulya mumisebo.

¹⁰⁷ Kabili umunandi, Naine, twaliminine pamo. Kabili ilyo lilya iceleta lyapitile, apilibwilefye umutwe wakwe nokutendeka

ukulila. Nabikile ukuboko kwandi pa kubeya kwakwe, kibili Natile, “Nycinshi?”

¹⁰⁸ Atile, “Munyina Branham, iyo uleya imfumu yandi nanamfumu wakwe.” Ukuba, Ine—Ine kuti natotela pali ico.

¹⁰⁹ Eico Natontonkenye ukutila, “Nga cakutila umwina Canada, mwisamba lyabuteko, temwisamba lyabuteko, lelo umukalamba wamubuteko, uwaku England, kibili alepita pamfumu, kuti calenga umwina Canada alila, kibili apilibula umutwe wakwe nokulosha, cikaba shani ilyo tukamona Imfumu yesu?” Kibili nga watontonkanya pali cena, iciputulwa cesu cikaba Namfumu.

¹¹⁰ Nomba abana bonse balibafumishe mumasukulu, abana abanono, balibapele iinono, imendela ya Britain. Imendela ya Canada baita icintu cimbi. Munyina Fred, imendela ya bena Canada baita shani? [Munyina Fred Sothmann atila, “Union Jack.”—Kale.] Union Jack. Lelo balibapele iinono, imendela yabena British, ukulapupusha. Kibili ilyo imfumu yapitile, tonse utwaice twiminine, tulepupusha i—imendela shatuko ishinono, nokupundila imfumu. Kibili—kibili kwaliko abaleimba, *Lesa Pususheni Imfumu*, ilyo aendele ukupita mumusebo.

¹¹¹ Oh, nga kuti mwakwata fye i... Imwe kuti mwakwata ukumona ifyo cena cikaba pali kulyo kubuka kulya!

¹¹² Kibili ilyo babebele, abana abanono, ukubwekela kusukulu ilyofye pe—pelete yapwile. Kibili, ilyo abana banono baleya, isukulu limo lyalufishe umukashana umunono. Kibili baile konse konse, mukufwaya umwana umunono, uku noku mumisebo. Kibili, mukupelekesha, kunuma yacela bakobekako intambo shamalamya, kwaiminine akanono, akaice, akaonda, akashilepa akakashana, nakalila nganshi.

¹¹³ Ukuba, kasambilisha alikemishe kibili... [Tapali amashiwi pali tepu—Kale.] “Nycinshi? Bushe tawaciimona imfumu?”

Atile, “Ee, Naciimona imfumu.”

Atile, “Bushe—bushe iwe tawacipupuisha imendela yobe?”

Atile, “Ee, Na—Nacipupusha imendela yandi.”

Atile, “Ukuba, nomba, mulandu nshi ulelilila?”

¹¹⁴ Atile, “Mwamona, bakafundisha, Ndi munono nganshi, bambi abaciminina kuntansi yandi, baciba abakalamba. Kibili Nacilapupusha imendela yandi, lelo tabacimona.” Kibili aali uwasadakamika palwa ico. Ukuba, ico nalimo kuti caba ukutila Imfumu George tamwene ulyo muntu umunono, mumushinku. Nalimo tayamwene umutima wakwe uwakutemwa nokutungilila umutima, nefyo aleumfwa palwa ena. Alipipishe.

¹¹⁵ Lelo tefyo caba ne Mfumu yesu! Oh, icintu icacepesha eco tucita, Alacimona. Kibili Alishiba ifintu fimo fine na

matontonkanyo ayaba mumitima yesu, conse ico tucita, nangu cibe icinono. Kabili tu Mubombela munshila nshi? Ilyo tulebombela umo nomunankwe. Nga Nsha kutemwa, musango nshi Ninga Mutemenwamo? Mwamona? “Apo ponse mwacitile kuli aba ba Bandi, mwacitila kuli Ine.” Mwamona?

¹¹⁶ Cena caba—cena caba utuntu utunono uto tushicita, inshita imo, ico cilaputula umunyololo onse, mwamona, kabili twaba abantungwa, ukubafye abamano yamu filonganino, nokulabako pali ifi fintu ifinono ifyo ifi—ifikankala ifintu. Ifintu fyonse, i Cebo cakwa Lesa conse, cikankala. Tapaba nangu cimo pali Cena icingashala. Ifwe tulingile ukusenda i Cebo conse ica Cena, umusangofye Cena calembelwemo.

¹¹⁷ “Ninjiminina pa mwinshi,” Yesu efyo alandile, muli ino Nkulo ya Laodikea, “nokukonkonsha.” Bushe namumona, inkulofye imo iyachalichi iyo Ena afumishiwe muchalichi Cakwe? Inkulo shonse ishamachalichi shimbi, Aali mukati ka chalichi. Ukupitila muli ba Methodisti, naba Lutherani, nabambipo, Aali mukati, muchalichi. Lelo apa Ali pano kunse, ifisumino fyesu nefintu fyali Mutamfishe ukufuma muchalichi. Lelo Ena naiminina kunse kulya, acili alekonkonsha, “Uyo uwalaumfwa nokwisula iciibi, Ndi nokwisa mukuba nankwe, ukulya nabo, nokumupela ukundapwa kwamenso yakwe, ne—nefyakufwala, nokumupela icuma ca ku Muulu; uyo uli noku Ng’umfwala ndekonkonsha.”

¹¹⁸ Nacimona kwati kuti Natontonkanya ishina lya ulya kalenga uwalengele cilya icikope, apentele icikope, ntile, apali iciibi. Ilyo ena... Namwishiha, ifikope fyonse ifikalamba intanshi filingile ukupita mumulongo, nangu, mucikulwa cabakasusha, ilyo tacilati cikobekwe mu Cikulwa ca Kulumbukwa. Kulya icikope cakubalilapo nomba kuti caba bamillioni bama dolla.

¹¹⁹ Lelo, mwamona, caba kwati ci Chalichi, cilingile ukupita mucikulwa cabakasusha. Tulapitamo. Uli nokwitwa “kakunkuluka wa mushilo,” uli nokwitwa icintu conse. Lelo nga kuti waikatilafye icifulo cobe muli Kristu, lyena ubushiku bummo Akatutwala ku Cikulwa ca Kulumbukwa. Lelo pakubala tufwile twapita mukusushiwa. Apo epo ubunono bwesu bwaiminina, apo epo bumoneka. “Uyo uushingashipikisha ukulimunwa mwana wa mucani, kabili te mwana wakwa Lesa.” Te mulandu umusango aishilamo kuchalichi, kabili nafyonse ifyo acita, acili, nga cakuti tekuti ashipikishe ukulimunwa, mwana wamucani, kabili temwana wakwa Lesa uwacine. Lelo umwine mwine, umwana wakwa Lesa umwine mwine tasakamana ifyo isonde lilelanda, ifintu fyonse ifyashala fya cibili. Ena abika amano yakwe pali Kristu, kabili ico ecipwisha fyonse. Ee. Conse ico Kristu alanda ukucita, ali nokucicita. Konse uko u Mwana wa mpaanga akaya, bena bali pamo na Ena, conse. Kabili ilyo mwalemona ukumoneka Kwakwe, u Kubapo Kwakwe, kabili ifyo Ena acita. Ena lyonse aba nabantu

Bakwe, Nabwinga Wakwe. Alemukobekela. Ubushiku bumo kukaba Umulalilo wa Bwinga.

¹²⁰ Kibili uyu kalenga, nangu cibe fyo, ilyo capitile muli bakasusha, ibumba lyabakasusha balonganine pali uyu kalenga. Tekueti ntontonkanye ishina lyakwe. Ndeesha ukutontonkanya pali Michelangelo, lelo ena aali nikabasa wacapangwa icimpashanya cakwa Mose. Lelo Ninfilwa ukutontonkanya ishina lyakwe. Lelo, nangu cibefyo, atile, "Icikope cobe calipulamo," atile, "Nshikwete nangu cimo ico Ningalandia ukususha icikope." Atile, "Pantu, Naikata inyali mukuboko Kwakwe, cena cilelangisha ukutila Alesa, nalyo line, munshita yabushiku iyafitisha." Atile, "Kibili nomba Ali pamwinshi, nomutwe Wakwe, ukutwi Kwakwe, icakuti Eba... eba uwakukana pusa ukwita konse. Ukutwi Kwakwe akubikile kuciibi, kibili Alekonkonsha paciibi." Atile, "Lelo, namwishiba, mukwai, kuliko icintu cimo ico mwalabileko mucikope cenu."

¹²¹ Kibili kalenga, camusendele inshita yamweo wakwe onse ukucipenta, atile, "Ni cinshi ico Nalaba, mukwai?"

¹²² Atile, "Nangu Akonkoshe shani, mwamona, mwalilaba ukubikapo akakwiswilako. Tapali akakwiswilako paciibi." Nga kuti mwamona iciibi, tapali akakwiswilako.

¹²³ "Oh," kalenga alyaswike ukutila, "Efyo napentele ifyo fine. Mwamona, mukwai," atile, "akakwiswilako kali mukati. Mwebene nimwe mwisula icibi. Nimwe mwisula iciibi."

¹²⁴ Oh, cinshi ico umuntu akonkonesha pacibi camuntu? Aleesha ukwingila. Aleesha ukwingila. Nalimo nakwata icintu cimo ico alefwaya ukukweba nangu ukulanda naiwe. Nakukwatila imbila. Kibili uyu emulandu wine abantu bakonkosesha pali umo nomunankwe. Balakwata umulandu bacitila ifyo. Tekuti ico cicitike ukwabula umulandu umo. Tekuti muye kung'anda yamuntu kanofye kuliko umulandu umo uwakwilako; nga tecimbi, ukutandala, ukumutwalila imbila, nangu icintu cimo. Kulabako umulandu umo muntu ela mukukonkonsha paciibi camuntu umbi.

¹²⁵ Konse ukuli ilipusho, kulingile kwaba ubwasuko. Tekuti kube ilipusho ukwabula ubwasuko. Kanshi ico eco tufwailisha muli Baibele, aya mepusho aya ubu bushiku, Baibele yalikwata ubwasuko. Kibili Kristu ebulya Ubwasuko.

¹²⁶ Nomba, abantu abengi abakankala balikonkonsha pafiibi, ukupita munshita yamweo, kibili abengi balikonkweshe munshita ishapita; kibili nalimo, citwalililapofye, kukaba abengi nabambi, abakankala abantu.

¹²⁷ Nomba, icintu cakubalilapo, nalimo, ngo muntu umo akonkwenshe paciibi cobe, nga kuti wacita ico, kuti waya nokubwesha ikatani, ukumona uuliko.

¹²⁸ Nga uli uwapamfiwa, nga fintu tulanda ukutila efyo twaba ileelo, “Ukuba uwapamfiwa nganshi ukuti uye kuchalichi; uwapamfiwa ukucita *ici*. Kibili, namwishiba, ichalichi candi tacacetekela mufintu fya musango ngoyo.” Kibili, mwamona, ifwe tulifye panono kunse kamushilwa, inshita shimo, ukufuma ku Cebo.

¹²⁹ Lelo mulabwesha ikatani, pantu ulefwaya ukumona uwiminine palya. Kibili nga muntu umukankala, wabutukila kuciibi bwangu bwangu.

¹³⁰ Nomba lekeni tubwekelefyen kunuma panono nokumona abantu abanono abakonkossa. Lekeni tubwelelemo nokutontonkanya pali Farao mu Egypto, imyaka imyanda ingi iyapitapo. Inga nga cakutila—nga cakutila Farao, imfumu yamu Egypto, aishile kung’anda yamubusu? Kibili yuu mubusu aali uwakukanako kuli Farao, kibili tacetekele mufipope fyatantikwa, kibili apusene nankwe. Kibili—kibili, lelo Farao naiminina apo, naiminina pamwinshi uwa—uwakwakakuula wanjelwa nangu kakanda wamatipa, nga fintu twingabeta, mulya mu Egypto. Kibili abwesha ikatani, napo peminiine uwamaka Farao pamwinshi. Kibili alekonkonsha; alemwentula. [Munyina Branham akonkonsha pacintu cimo—Kale.] Mulandu nshi, ulya umibusu kuti aisula iciibi, nokutila, “Ingila, Farao wemukalamba, lekeni umubomfi wenu uwaicefyaa asange inkumbu kucinso cenu. Nga muliko icintu icili conse mukati kafibumba fyandi, Ndi musha nganshi kuli imwe, Farao. Namumpela umucinshi ukucila bamunyinane. Namwisa pang’anda yandi, ilyo Ndi umuntu umibusu. Mutandalilafye imfumu na—nabacilolo, nabantu abacindama. Kibili Ine nshili icintu nangu cimo. Lelo na—namuntandalila, imwe namuncindika, ba Farao. Bushe nicinshi umubomfi wenu uwaicefyaa alacita?” Te mulandu ifyo Farao ali nokwipusha, nangula kumweo wakwe, ena kuti acicita. Mucine. Cena kupelwa umucinshi.

¹³¹ Nangu, kucakumwenako, Adolf Hitler umuyashi, ilyo aali Kateka walucu uwaku Gelemani. Nga cakutila ena aile ku ng’anda yamushilika? Kibili bonse abashilika baba Nazi bashingulwike ing’anda yakwe, kibili, icintu cakubalilapo namwishiba, mulandu nshi, umo umuntu akonkwenshe ku ciibi. Kibili nomushilika umunono atile, “Ah, Nshileumfwa bwino munu lucelo! We mukashi, bebe baleyaa.”

¹³² Kibili ena aile kumwinshi, nokubwesha ikatani. Nokutila, “Balume bandi! Balume bandi, tolokeni, bwangu bwangu!”

“Mulandu nshi? Nani eminine palya?”

“Hitler, Kateka walucu uwamu Gelemani!” Oh, owe!

¹³³ Ulya mushilika umunono atoloka, awala ifyakufwala fyakwe, bwangu bwangu, nokwiminina umolwela. Aya palya pamwinshi, akomonona iciibi, nokwisulako iciibi, kibili

nokutila, "Namicelela mwe Hitler!" Mwamona, ena aali umuntu umukalamba, inshiku shakwe mu Gelemani. "Cinshi ico Ine ningacita?"

¹³⁴ Ena nga atile, "Kabiye uyetoloka ukufuma pamulu walupili," ena kuti acita ico. Mulandu nshi? Takwaba ukucilapo, takwaba umuntu umukankala nganshi mu Gelemani, munshiku shakwa Nazisi, ukucila fintu Adolf Hitler aali. Aali umuntu umukalamba. Kibili ena... Kibili, umucinshi, ilyo atandalilafye abakalamba babulwi nabantu abacikalamba, lelo uyu ali pamwinshi wamushilika wapamakasa! Oh, cena mucine kuti caba umucinshi uukalamba kuli ena.

¹³⁵ Ukuba, nomba, inga mu Flagstaff? Twalacileta mupepi nakung'anda. Inga nga cakutila cino cungulo, ukutila—ukutila Kateka wesu, Mista Johnson, L. B. Johnson, nga cakutila ena kuti afuma mundeke, kuno uku kucifulo cimo? Kibili nomba ifwe bonse twabafye mwibumba limo ilyabantu. Bonse tuli babusu. Nalimo umo nakwata umulimo uunono uusuma, nalimo ing'anda iinono isuma, lelo, nangu cibefyo, ifwe tuli bantufye. Lelo inga nga cakuti aisa kung'anda yenu kuno, nalimo uwapelako kububusu pali ifwe, nokwisa konkonsha paciibi; kibili waile pamwinshi, na Kateka L. B. Johnson aiminine palya? Mulandu nshi, cena kuti caba umucinshi uukalamba. Imwe limbi kuti mwapusana nankwe, mufikansa fyacalo. Lelo iwe kuti waba umuntu uwacindikwa, pakukwata Kateka wa United States ukwiminina pamwishi obe. Niwe nani nangu Nine nani? Kibili Lyndon Johnson eminine paciibi cobe! Nangula imwe limbi kuti mwaba ba Socialist nangu ba Republican, nangu mwalipusana nankwe ba mailoshi amamillioni, lelo nomba cena kuti caba umucinshi.

¹³⁶ Namwishiba? Pantu mwalipelwe uyu mucinshi, mulandu nshi, icitunshi tunshi kuti caposa pacakutambilako munshita yabushiku. Icine cine. Amapepala yelyashi mailo kuti yakwata ifyakulandapo palwa cena, muno mwiipepala yelyashi iyamu Flagstaff, uyu, "*John Doe*. Kateka waku United States alishile nendeke mu Flagstaff mailo, ukwabula ukumwita, kibili ailefye, ukwabula nokumwita, nokuya konkonsha" paciibi cobe. Uwapetama! Ulya Kateka kuti akwata ishina ilyakuba umuntu uwapetama, katebebe nga fintu aba, ukwisa kuwandi nangu pamwinshi obe; ifwe tapaba efyo twaba, nomba ukwisa nokulanda naifwe.

¹³⁷ Mnulandu shi, kuti mwaya mulya mumusebo, nokutila, "Ee, Nine wine. Kateka alimtandalile."

¹³⁸ "Iminina tondolo, leka nku—nkukope. Tonta amenso yobe pali ine. Nomba umoneka shani nga walaenda ukuya?" Iwe kuti waba umuntu umukankala. Mucine.

¹³⁹ Inga cakutila namfumu waku England engesa, nangu teumiteka? Lelo kuti caba umucinshi kuli imwe bambo

mwebanamayo ukusansamusha namfumu waku England, nangula tamutekwa nankwe. Lelo, nomba ena muntu umukalamba, ena ni namfumu mukalamba nganshi mwisonde, pali inonshita. Mucine, ena efyo aba, ukulola kufikansa fyacalo. Lelo nga cakuti alikulombele akape akanono akauma umutengo ako wabika pacibumba, ako iwe watemwisha, kuti wamupela. Cena kuti caba umucinshi kuli iwe ukucita ico. Mucine, ena ni namfumu waku England.

¹⁴⁰ Kibili iwe kuti mwacindikwa, kuli Kateka. Kibili umuntu onse kuti alanda palwa kuicefyा kwakwa namfumu waku England, ukunina indeke ukuti ese amone namayo umo mu Flagstaff, umuntu uushaba nangu cimo. Kibili ico kuti caba mumapepalayelyashi, kibili kuti caba napanyusnhi pacitunshi tunshi.

¹⁴¹ Lelo, namwishiba, Umuntu umukankala nganshi uwanshita yonse, Yesu Kristu, akonkonsha pa ciibi cesu. Kibili kulaba uku Mutamfyा, ukucila imfumu shonse nabakateka abo batala ababapo. Ico nacilungama. Kibili imwe limbi kuti mwa Musumina nokuyalanda icintu cimo palwa ico, isonde lyakunse kuti lyakuseka. Takuli ilyashi lili noku...

¹⁴² Ninani wingesa kung'anda yenu, uwacila pali Yesu Kristu? Ninani uwinga konkonsha pacibi cenu, uwapulishamo ukucila Yesu Kristu? Nani uwingacita ico? U Mwana wakwa Lesa, uyo wingakonkonsha pa ng'anda yenu, ninani wingaba umukankala ukucilapo? Kibili nomba Alakonkonsha, cila bushiku. Kibili nga imwe mwa Musumina, mwitwa uwafulungana. Eico, moneni ifyo isonde lyashiba ifya liko? Ico nacilungama. Lelo nomba Ena tekuti ese kano Akwata umulandu engeshila.

¹⁴³ Kibili bushe muletontonkanya ukuicefyा kwakwa Kateka Johnson, nangu namfumu waku England, nangu umuntu uuli onse umukalamba, ifyo cena cingalangwa, palwa kuicefyा ukwa ulya umuntu umukalamba uwacindama ukukonkonsha pa ciibi cenu!

¹⁴⁴ Nga palwa kuicefyा ukwa Mwana wakwa Lesa? Twaba finshi lelo ababembu, abakowela, "abafyalilwa mulubembu, abapangwa mumampulu, twaishile pesonde tulebepa ubufi?" Kibili lintu u Mwana wakwa Lesa akesa nokukonkonsha pa ciibi cesu.

¹⁴⁵ Nomba, namfumu waku England limbi kuti akwipushako ukumucitilako icintu cimo. Ena limbi kuti akupoka icintu cimo. Nalimo Kateka nao wine, ena limbi kuti akwipusha ukucita ifintu ifyo iwe tawalefwaya ukucita. Kuti akulomba ifyuma ifyo tawalefwaya ukulekelako, kibili ifishingapilibula icintu nangu cimo, kuli enafye.

¹⁴⁶ Lelo Yesu aleleta icintu cimo kuli iwe ilyo Akonkonsha. Aleleta ubwelelo. Wibukana. Pantu, nga fintu kwali ukulubulula mumayanda yamafunde yesu pano, efyo cikaba namu Bufumu

bwamu Muulu. Nga cakuti Ena alikonkonsha nokuleta ubwelelo, kibili walibukene, nokufwila mumembu shenu, muli nokonaika; nangu wakwete umucinshi uwakwikala mumusonkano ngoyu, nangu wakwete umucinshi wakusangwa mukupuputulwa, nangu muchalichi cenu, nokumfwa kakumba wenu aleshimikila imbila ya Mbila nsuma. Kibili walekele nebumba, lyatila, “Ee, eko Nali.” Nalimo, iwe, cili icaafya ukulanda fyonse ifyo wingalanda. “Nalyumfwile ukwimba. Nalikutemenwe. Nalyumfwile ubunte. Cali icituntulu.” Lelo wali Cikene.

¹⁴⁷ Nga ngacakutila Nali umulumendo umusepela nasanga na mayo umusepela; ali umusuma, umwina Kristu? Kuti apanga... Nakwanisha conse icifwa... [Pali tepu tapali amashiwi—Kale.] Tekuti usangemo icilubo muli Ena, lelo iwe ufwile wabika lubali intambi sha bantu. Watila, “Oh, Nincetekela ukutila Ici nacilungama. Namona, naipekanya...” Lelo ufwile Wamusmina. Iwe... Nomba ulya mwankashaba ulubali lobe. Naiwe waba ulubali lwa Cebo, ico icili Nabwinga. Nga cakutila Ali i Cebo, Nabwinga ali nokuba Nabwinga-i Cebo. Mwamona, icine cine ali nokumana! Mwamona, iwe ufwile Wasumina. Iwe ufwile... Kuti wafwaya ukulanda ico wingafwaya, kuti wayumfwila palwa kwa Kateka; lelo ilingi line lintu inshita yakwa Yesu pa ciilibi cesu, ifwe Twamukanafye noku mubika. Mwamona, pantu fye ifwe tatulefwaya nangu cimo icakucita pamo na Ena. Elyo twatila, “Ukuba, nalimo ubushiku bumbi.”

¹⁴⁸ Nga ngacakutila wakonkonsha pa ciibi ca muntu umbi? Nomba natupilibule fye icikope bwino pali mineti umo. Nga ngacakutila waile konkronsha pa ciibi ca muntu umo, kibili nauba kwatila icintu cimo? Kibili, pali fyonse, bali kuli iwe kwati ngafintu iwe waba kuli Lesa; ukuba, ngacakutila iwe waba ifyo, mulandu nshi, nacilungama, lelo tapafwile pabapo ifintu fimbii ifingalenga. Eico lintu wakonkonsha pa ciibi ca muntu umo, kibili balolesha ukupitila pe windo, nokwisala insalu; nangu limbi ukwisa pa mwinshi, nokutila, “Ukese inshita imbi!”

“Ukuba, Kuti nafwaya...”

¹⁴⁹ “Nshikwete inshita muno lucelo!” Namwishiba ico iwe wingacita? Limbi cintu cimo cine Naine ningacita, nakubashala bonse, iwe tekuti ubwelelemo nakabili.

¹⁵⁰ Lelo teifyo na Yesu. “Ninjiminina, nokukonkonsha,” ukutwalilapo ukukonkoshia. [Munyina Branham atwalilila ukukonkonsha pa cintu cimo—Kale.] Mwamona? “Uyo uufwaya,” tekufwaya fye umuku umo. “Ukufwaya ukutwalilila! Uyo uukonkonsha ukutwalilila!” Ukukonkonsha, ukukonkonsha ukutwalilila, uukonkonsha! Mwamona, “Uyo uufwaya, uyo uukonkonsha, cena cili...” Tekuba fye...

¹⁵¹ Ngo mulumbe wakwa kapingula uushalungama. Umwanakashi aile alefwaya ukulandula, ukucita icilandushi,

lelo afililwe ukucikwata. Ena... Mukutwalilila alekonkonsha nokupapata. Kibili atile... “Ukumufumyapofye ena, Ndinokulandula umulwani wakwe.”

¹⁵² Ngakuli Taata wamu Myuulu tekuti cicilepo? Mwamona, cena cifwile ukuba nifwe ukukonkonsha paciibi Cakwe. Calinokuba ni Adamu ukulabutukila pa muulu na pesamba lye bala, alepunda, “Taata! Taata, nikwisa Uli?” Lelo mucifulo, mucifulo ca ico, cali ni Lesa ewalebutuka pamuulu napesamba lyebala, “Mwana wandi! Mwana wandi, nikwisa uli?” Mwamona, ico cilelangishafye ifyo twaba. Ifwe lyonse tulafisama, mucifulo cakufumafye uwalungama nokulapila kuli ico. Tulesha ukubutuka, nokufisama kunuma yacintu cimo. Mwamona, ico ecifyalilwafye camuntu, twalikwata ico muli iyo nshila. Ee, mukwai.

¹⁵³ Iwe kuti wapela aba bantu icawamisha ico wawkwata, ifili fyonse. Lelo tekuti, iwe—iwe—iwe upokelele Yesu. Nshilepilibula iwe, lelo Ndepilibula abantu bali pano.

¹⁵⁴ Nangu limbi iwe kuti limbi walanda ici, limbi kuti iwe watila, “Kashimikila, Nacitilefye ico. Na—Naiswilefye umutima wandi nokuleka Yesu aingila mukati. Nacitile ico imyaka ikuumi limo iyapitapo. Nacitile ico pamyaka amakumi yabiili iyapitapo.” Ukuba, ico kuti limbi cabafye icalungama bwino bwino, bushe ico eco wacitafye? Mwamona?

¹⁵⁵ Ndefwaya nkwpushe nomba. Ngacakutila iwe waita umuntu uuli onse mu ng’anda yobe, kibili nomba lintu waingila pa mwinshi... Umuntu umo akwita ukwingila mukati, ukucilapo, atila, “Isa mukati.”

¹⁵⁶ “Ee, Ninkwata ico ndefwaya ukucita, Ndinokufuma mwitauni nocindikwa, mwamona.” Iyo enshila abantu abengi bapokelelemo Kristu. “Ndi...Na—Naba muchalichi. Naba muncende iikalamba *Yakuti-na-yakuti* pano pene, umo Dokota Ph. LL. aba, namwisha. Kibili chalichi icikalamba nganshi. Na mwine mushi wamumusumba aya kulya, nefintu fyonse namwisha. Na—Naba muli cilya chalichi.” Ba Musuminisha ukwingila mukati, ifyo finefye. “Ee, Nala Mupokelela,” mwamona, ukuba ica kunonkelamo candi.

¹⁵⁷ Nomba ciba cinshi lintu Yesu aisa mumutima? Abantu abengi bala Mupokelela pantu tabafwaya ukuya kumbo. Nomba lintu Yesu aisa mumutima obe, Afwaya ukuba Shikulu. Te Kalubulafye; lelo Shikulu, pamo. *Shikulu* “ukuteka.” Esamo mu—mukuteka fyonse.

Nomba iwe watila, “Bushe ico nacilungama, Munyina Branham?” Icine cine.

¹⁵⁸ Nga—ngacakuti Nakwita ku ng’anda yandi, kibili waisa pamwinshi? Kibili wakonkonsha pa ciibi, kibili Nalolesha panse, Natila, “Ee, isa mukati. Ngacakutila kuti wangafwilisha, ukuba, kuti wacita ifyo fine. Lelo nomba,

lintu waisa, Nshilefwaya iwe ukulaikata kufintu ifishili ifyobe muno mung'anda yandi. Iwe kwimininafye umolwela palya pamwinshi!"

¹⁵⁹ Ibukisheni, isambililo lyesu lili "ifiibi" mukati ka ciibi. Nomba, mukati ka mutima wa muntu mwaliba ifibi finono ifingi, kabili fyena ifiibi finono fifimba pa fintu ifingi. Kuleka fye Aingila mukati, teifyo fyone syeka, lintu Aisa ingila mukati.

¹⁶⁰ Lintu Naisa ingila mu ng'anda yobe, ngacakutila wampokelela pa mwinshi, mulandu nshi, ngacakutila watila, "Isa makuti, Munyina Branham. Naba uwansansa nganshi ukukumona!"

¹⁶¹ Ndetila, "Ukuba, shena ninsambu kuli ine ukwisa mu ng'anda yenu!"

¹⁶² "Oh, bushe tekuti wise nokwikalako? Munyina Branham, nokutandalamo mu ng'anda yesu, nokwikala uwapokelelwa!" Oh, owe!

¹⁶³ Kuti naya kucakatalalika, nokubulamo umukate umo uukalamba uwabikwamo ifintu pakati, uwafika nga apa, nokufulako insapato shandi, nokuya mubusanshi nokulambalalako. Kabili kuti Nakwatafyre u—ukusefya kwa fyakulya ukusuma, mwamona. Mulandu nshi? Pantu Naliwmfwa ukupokulelwa. Wanengele ukumfwa ukupokelelwa. Eico kuti Natotela ngacakuti wanengele ukupokelelwa.

¹⁶⁴ Lelo ngacakutila Naile mu ng'anda yobe, kabili wanjeba ukutila, "Iminina palya pa mwinshi, nomba, taufwile ukuya uleikata ifyakwikataula!" Tekuti ng'umfwe uwapokelelwa apakalamba. Bushe kuti waumfwa? Iyo, mwamona, iwe tekuti umfwe ukupokelelwa. Umuntu umo akwita ukuya ingila mukati, kabili atila, "Nomba lolela! Ee, isa mukati, lelo iminina apo pene!"

¹⁶⁵ Nomba, mwaliba iciibi cinono lintu mwaingila mu mutima wa muntu. Twalaland palifibili pali fiyo, mwamona. Tatukwete inshita iyakupita muli fyone ifiibi, pantu fyaliba ifingi. Mwamona? Lelo, tutile muli ba mineti ikumi abalakonkapo, lekeni tulande pali fibili, ifiibi fitatu.

¹⁶⁶ Nomba, kukulyo kulubali lwamutima wamuntu, lintu waenda ukwingila paciibi, paliba iciibi cinono kulubali lwakukulyo, kabili ico citwa, mulya, iciibi camataki. Oh, owe! "Taufwile Ukwilingila pali cilya ciibi!" Tabafwaya Shikulu mulya, pali cilya iciibi, ayo mataki. "Nakwata umulopa wa makumbi makumbi. Ndatekanya! Oh, ee, nomba lolesheni, Ndemyeba, Ine—Ine . . ." Mwamona, yena mataki. "Taufwile Ukwilingilamo mulya!" Nomba, Tekuti omfwe uwapokulelwa ilyo iwe usungile ayo amataki paciibi icaisalwako.

¹⁶⁷ Afwile akulenga insoni. Mwamona, ico eco Akonka. "Bushe Ulepilubula ukunjeba ukuti Mfwile naya kulya no—nokucita

kwati nibonse abashala?” Ukuba, iwe taufwile ukucita ico, ico ecintu cimo ica cine. “Ukuba, Ndekweba, bushe cinshi uletontonkanya Ine ukucita lintu Naya ku cisaka camakwebo inshita imbi iyakonkapo? Cinshi ico Ningacita ngacakutila Nakumene pamo nabakengisha wancito bandi—bandi mailo? Kabilo icakutila, Ine napokako ulya u Mupashi waisa napali ine, kabilo kuti Natoloka ibaka mu moolu kulya, pakati ka mulimo wandi, kabilo kuti naya namukulandila mu ndimi, oh, ico kuti canenga insoni. Iyo, fumako kulya!”

¹⁶⁸ Mwamona, nifyo fine, mwamona. Ee, waleka Yesu aingila, wailunda ku chalichi kabilo bakulemba ne shina, elyo wapokelela Yesu ngo Mupusushi obe; nomba ngapakuba Shikulu obe, lintu Ali kwata amaka yapwililika? Iyo Ena ni Shikulu, Alikwata fyonse, Fyakwe; mwamona, imwe, imwe mukupwililika mwalicimba kuli Ena.

¹⁶⁹ Nomba yalya amataki yanono. “Oh, ulepilibula, ifwe fwe banakasho, tuli nokuleka imishishi yesu ukukula?” Ukuba, ifyo efyo Alandile. “Tufwile twaleka ukupenta amala, nangu ifintu fya-bukapenta?” Ifyo efyo Alandile. “Ukuba, bushe cinshi aletontonkanya imibilile yandi ili nokuba? Bali nokulanjita uwa mifwalile yakale.” Ukuba, sungafye amataki yobe. Kabiye kuntanshi. Aleiminina pa mwinshi, apo epo Engafika mukwenda.

¹⁷⁰ Lelo lintu iwe waipekanya ukwisula cilya iciibi, Ukumuleka engile mukati, Ali nokukuwamisha iwe. Utuputula tuli nokuya mung’ung’ulu ya fiko, kabilo kalaso-ali nokubwelela mung’ung’ulu yafiko, kabilo kabeya ali nokufwa ku nsala ngacakutila abeyafye imishishi yababakashi, kuwa cetekelela mwine mwine.

¹⁷¹ Nomba ngatwatila, “Ico tacicitika!” Oh, ee, cilacitika, pamo. Ifyo efyo Baibele yalandia. Nacilungama. Mwamona, palya pali ishiwi ilinono ililetila, ukuti tamumufwaya Ena ukwendauka.

“Ukuba, kakumba wandi!”

¹⁷² Nshilesakamana paco kakumba engalanda. Ifyo efyo Baibele yalandia, “Cena ca nsoni ku mwanakashi ukucita icaba ifyo.”

¹⁷³ “Ukuba,” mwatila, “tulekabila ukufundwa ifintu, Munyina Branham, pafyo twinga pokelela Mupashi wa Mushili, kabilo nefyakuba *ici, nacilya*.” Kuti wasambilila shani insamushi ngacakutila tawaishiba ABC’s? Tawaishiba nangu fye ifyakucita, ukucita kwati, ukumoneka nga umo, ukufwala nga umo. Cansonii ukumona aba abanakashi pa musebo ileelo.

¹⁷⁴ Naile muncende imo mailo, lintu, oh, bamo mwibumba lyabaonaika baishile ingila mukati. Bena, umuntu umo akwete imishishi ukufika mu menso yakwe, ubutali ukufika munuma yakwe, kabilo kwati litoloshi lya makwelelo, kwati bana banono filya, bafwala ku sukuulu, ne fisapato fikalamba ifyakale, na kanwa akaisuka lubali. Kuti walanda ukuti balyonaika.

Kabili baingile mulya mumusango ulya wine, baletila, “Tuli ba French.”

¹⁷⁵ Ninani mwi sonde uwingengisha umuntu waba filya mu mulimo wakwe? Kuti bapanga shani ubwikashi? Kabili Nimona abengi abalumendo abene bene abekele kulya... Bafuma palya pe sukulu likalamba palya pene, aba ababwafya, nangu Nincetekela baita abene beka *ababwafya* nangu bakacita *bafyabipa*, nangu ifintu fimo ngefyo, ifyaba ngefyo fifuma ku England. Kabili mulya ngefyo, ninani uwingengisha umuntu waba ngefyo uku mubombela umulimo? Bushe kuti wabika umuntu waba ifyo mu mulimo ibe, imwe bashi makwebo? Nga kuti mwacita, imwe mwaba, kuli icintu cimo, tamulati mube mupepi ne Capindama nomba.

¹⁷⁶ Lolesheni pali aba abanakashi pa musebo, kibili ca musebanya! Limbi banakashi banono abakaele notu utwakufwala twaikata utunono nabafwala, mwamona, ukuba, cena camusebanya, umusango bamonekelamo. Ukuba, kuti mwatila, “Mulandu nshi, we mwanakashi, uleita ubucende.”

¹⁷⁷ Batila, “Lolelako pa kashita akanono pano, we mulemendo umusepela! Nabafye uw bunyinu nga fintu Ine...” Ico limbi kuti caba ifyo, mu matontonkanyo yobe we mwine. Kabili cena limbi kuti caba ifyo, ukushininkishiwa nangu fye nefyakupiminako fya muti, ifyo imwe mwingacita.

¹⁷⁸ Lelo, ibukisheni, ba Bushiku bwa Bupingushi, imwe muli nokwasukilapo pakucita ubucende. Yesu efyo alandile ukutila, “Onse uwalolesha pa mwanakashi nokumukumbwa nacita ubucende pamo nankwe kale mu mutima wakwe,” kibili waipela palobe kuli ena. Mwamona ifyo ciwa abalenga ukuba impofu? Cena camusebanya. Cena ca nsoni. Mwamona, bena—bena balikwata umupashi. Wena mupashi ucita ifyo. Mupahi ushaba uwa mushilo.

¹⁷⁹ Lelo u Mupashi wa Mushilo uwa cine kuti walenga umwanakashi ukufwala ifya mucinshi nokumoneka uwa mushilo.

¹⁸⁰ Umukashi wandi atile kuli ine, pansiha imo. Twaleya mu musebo, kibili twasangile umwanakashi uwafwele indeleshi, kulya mu calo cesu. Cali icintu iceni nganshi, mwamona takwafulile ba Pentecosti kulya. Eico, twasangile ukuti ali fwewe indeleshi. Kabili atile, “Billy,” atile, “Nalishiba bamo abanakashi. Balemba muli bakemba kuno kwine muli aya ma chalichi.”

Natile, “Icinecine.”

Atile, “Ukuba, kibili bena batila bena Kristu?”

Natile, “We mutemwikwa, lolesha. Mwamona, ifwe tatuli...”

Atile, “Mulandu nshi abantu besu?”

Natile, “Lolesha, we mutemwikwa, ifwe tatuli bamumutundu wabo—wabo nakalya.”

Atile, “Cinshi?” Atile, “Bena America.”

Natile, “Ee, nomba ifwe tatwaba.”

Atile, “Ifwe tatwaba?”

Natile, “Iyo.”

¹⁸¹ Natile, “Lintu Naya ku Germany, Nsanga umupashi wamu Germany. Lintu Naile ku Finland . . .” Palya pa muulu pa sauna, mwe bengi aba Finnish mwalishiba, abanakashi balasamba abaume. Eico, uyo mupashifye waba Finnish. Bantu abasuma aba maka, lelo, kuti wansanga, konse uko waya, kusangako umupashi wa calo.

¹⁸² Ngawaya mu chalichi kibili wamaona kakumba, ngacakutila tatekwa icinecine nokutwalililapo ukucita ifintu, ulukuta luli nokuba cimo cine. Mwamona? Basenda umupashi waumo nomunankwe mucifulo ca Mupashi wa Mushilo.

¹⁸³ Uyo wine emulandu twakwatila ukufundisha ukwingi ukwa pilibulwa bubi bubi muli Baibele. Mucifulo caku bwelela ku mafunde, bena basenda umupashi wa filonganino fimo. Mwamona? Lelo i Cebo cabafye iceni kuli bena nga fintu Cali mu nshiku lintu Yesu aishile moneka, ukulangisha i Mbila nsuma iituntulu iya cine. Batile, “Ena ciwa. Ni Beelzebabu.” Mwamona? Nomba imwe umfweni ico.

¹⁸⁴ Kibili atile, “Ukuba, nomba, ifwe tatuli abena America, tuli banani?”

¹⁸⁵ Natile, “Ubafumu bwamu Muulu.” Mwamona, tuli bantungwa, abafyalwa cipyapya cipyapya. U Bufumu bwakwa Lesa bwaba muli imwe. Mwamona, imicitile yenu yaba iya mu Muulu mulya, muli abeminishi batumwa ukufuma Kulya. Natile, “Tuli bekashi pano, twaikala pano mu mubili. Lelo, u mupashi wesu, tuli balebeshi kibili abeni.” Ifwe tuli beni kwisondie nomba, nangufye kucalo cesu cine, pantu twalipokelela ubwite lintu bwena bwalekonkonsha pa mitima yesu, ukuba ulubali Lwakwe, i Cebo Cakwe. Kibili i Cebo ecatubika, catulenga ukuba no mweo no kutulenga ukucita nga bena Kristu.

¹⁸⁶ Inshita imo iyapitapo, ku Masamba, iiyashi ilinono. Kwali imfumu . . . nangu, kashita. Baleshitisha abasha. Iyo yali ninshita ya—ya kupatulula, kibili bakwe abasha ku Masamba. Bali no . . . Baleya kulya noku bashita, pamofye ngefyo mwingshita motoka yabombapo ukufuma pa iiingi.

¹⁸⁷ Nomba, Ndikasakanya, mukupwililika . . . Ndepilibula kapatulula. Ndi kapatulula. Pantu, Nshisakamana apo bengafika mukucita ifitala, tekuti ube umwina Kristu kibili nokuba kasakanya. Ico nacilungama bwino bwino. Lesa alapatulula ifyalo Fyakwe. Alapatulula abantu Bakwe. “Fumeni pakati kabot!” Ena ni . . . Ena ni kapatulula. “Tamufwile

nangu...Mwiikata pafyakowela fyabo!” Atintile Israeli, lulya uluko lwaba Yuda, ukulufumya muli lonse, shonse inko mwi sonde. Nikapatulula.

¹⁸⁸ Lelo Nshacetekela ukutila umuntu uuli onse afwile aba umusha. Lesa apangile umuntu; umuntu apanga abasha. Nshacetekela umo ukuteka pali umbi, uluko ululi lonse, umusango nangu icili conse.

¹⁸⁹ Lelo kwaliba ukupatululwa, Nabwinga wakwa Kristu alipatululwa ukufuma kuma chalichi yashala, kibili ico nacilungama bwino bwino: ichalichi cacifyalilwa, ne Chalichi cabu mupashi; ichalichi caku mubili, i Chalichi i Cebo. Cena lyonse eko caba. “Yesu aishile ku Bakwe bene, Abakwe bene taba Mupokelele iyo; lelo abengi aba Mupokelele!”

¹⁹⁰ Kwaleba ba kashita, abakwiminina pakati baleya kulya nokushita aba abasha. Panshita imo kwali umo uwaishile ku matimba, nokubamona. Abasha baleboma icabipisha, kibili nafyonse, namwishiha. Bena bali ukutali naku ng’anda; tabakatale ababwelelamo nakabili. Ama Boer, abaku Holland, baile nokubasenda, babaletele kuno nokubashita. Kibili tabakatale mona ba wishi nakabili, ba nyina nakabili, tabakatale mona abana babo nakabili. Balebula umo nokumupela umbi; babula uwapamfuka umwaume, bamupela umwanakashi uwapamfula uwali ukutali nomu kashi wakwe wine, ukupangamo abasha aba pamfuka. Oh, Lesa akabalenga ukwasukilapo pali ico ubushiku bummo! Ico nacilungama. Ico tacaba icalungama.

¹⁹¹ Kwati ni Abraham Lincoln uwatile inshita imo, lintu afumine mu bwato kulya ku New Orleans, abulile icisote casompa...

¹⁹² Amwene batatu nangu baane abanono abafiita, baleikila pansi, baiminine palya ukwabula ukufwala insapato, uko bakwete...Ing’ombe yalele kibili yakwe—yakwete impepo ukufuma pansi, baiminineko panuma yakwingisha ing’ombe mukati. Amakasa yabo ayanono ayakale yalilepwike, nomulopa walesuma. Baleimba ukutila, “Imwe mwalikwata insapato, Naine nalikwata insapato, kibili nabonse abana bakwa Lesa balikwa insapato.”

¹⁹³ Lintu afumine mu bwato kulya kwine, aendele ukuya kwi cinka lya ng’ombe, kwali umukalamba wa fiita uwa tuluka uwaiminine palya pe samba lyamusebo, ne eikoti ku numa yakwe, nomba abebete umutima wakwe ukumona ngacakutila ali bwino. Nokubutuka ukuya uku noku mumusebo, naikata necikoti kunuma yakwe; nomba bebeteni umutima wakwe, mumone nga cakutila ali bwino. Umukashi wakwe umulanda munono aiminine kulya, nabana bibili nangu batatu abasendele pesamba lya maboko *ngefi*; ukumushitisha, ukumupela ku mwanakashi uwasumbuka umukalamba. Abraham Lincoln

umukalamba atungile cilya pesamba lyo cisote cakwe... icisote cakwe pesamba lyakuboko kwakwe, *ngefi*, kibili aumine icisansa cakwe, atile, "Ico cintu calubana! Kibili ubushiku bumo, Nkoma pali ico, ngacakutila cikasenda umweo wandi." Kibili kwishilya kulya, mucikulwa cakusungilamo ifyakale mu Chicago, mwabikilwe indeleshi ya mulopa pali yena, iyo iyapuswishe ulya uwafiita ukufuma kuli cilya.

¹⁹⁴ Kibili Ndetila ukuti ulubembu ne fintu! Lesa ngafwilisheni ukufumu pali lwena, nabonse ba kapyunga bambi aba Mbila nsuma. Twafyalwa abantungwa, abana bakwa Lesa. Ifwe tatwakwata umulimo pafyo basuminamo nangu ifyamipepele iya kukutuwala mu Cisaka cama Chalichi ye Sonde, tuli bantu abafyalwa-abantungwa, muli Mupashi wa Mushilo twalikwata insambu, twalifuma mufintu fyaba ngefyo ukuba ba Pentecost. Ico nacilungama. Nomba tuli bantungwa. Ifwe tatufwile ukuba abakakwa kuli ifyo fintu nakabili.

¹⁹⁵ Lelo uyu kashita atile, aleolesha pali bonse abasha bakwe, umwanda umo nangu ukulundapo, pali bena, pacintamba cikalamba, atile, "Tutile!" Umo umuntu munono kulya, tabawile ukumumano icifuba cakwe catukwike panse; kibili nakalefu kwa kaimine pa muulu, palya pene pancito! Atile, "Tutile! Ndefwaya ukumushita."

¹⁹⁶ Atile, "Oh, iyo!" Umwine atile, "Tewakushitisha. Huh-uh." Atile, "Ukuba, naena musha?" Atile, "Ee."

¹⁹⁷ Atile, "Ukuba, cinshi camulenga ukuti apusaneko?" Atile, "Bushe umulisha ifyapusanako?"

Atile, "Iyo, bonse balila mulya mwine mu kichini, capamo." Atile, "Bushe emukalamba pali bena?" Atile, "Iyo, ena mushafye." "Ukuba," atile, "cinshi camulenga ukupusanako?"

¹⁹⁸ Atile, "Nawishiba, Ntontonkanya ukutila, palwandi. Lelo," atile, "namwishiba, kulya ku mushi kumwabo uko bafuma, mu Africa, wishi wakwa ulya mulumendo ni mfumu ya mutundu. Kibili nangula mwensi, imicitile yakwe yabango mwana wa mfumu."

¹⁹⁹ Oh, Natontonkenye, we cintu we kumwina Kristu! Abanakashi baleka ukufwala ifyakufwala ifya musango nga ifyo! Umwaume, aleke ukulanda ifya musamwe fyabipa nafyonse ifintu fyaba nga ifyo! Tuli bana baume nabana banakashi aba Mfumu. Mulefwala nga namfumu, mulefwala nga na-namayo. Mulecita nga nshimucindikwa, mwilaleka imishihsyi yenu ukukula *ngefi*. Baibele itila, "Cintu calubana (icifyalilwa cilamifunda) ku mwaume ukukwata imishihsyi iitali. Kibili cansoni kibili icintu caseka nangu fye ku mwanakashi

ukulapepa nemishishi yakwe iyaputulwapo.” Kibili ngapalwa aba? “Cena ca—Cena camuselu kumwanakashi ukufwala icakufwala icalola ku mwaume.” Lesa umukalamba uushicinja tacinja. Lelo cibe ileelo cena cabafye icailekelesha nga fintu icalo cesu conse caba. Canson! Lekeni imibele yesu ibe nge yabana baume na bana banakashi bakwa Lesa. Lekeni twikale nga yena. Ifwe tuli, tuli bana abaume aba Mfumu. Ifwe twaba. Ifwe twaba. Pali ino ine nshita ili bumba lya fyalubana ne fiko nefya kowela, ifili pano, abantu balaita abene beka “abena Kristu” kibili bacili bacita filya fine!

²⁰⁰ Lelo ibukisheni, ubushiku bumo natukwata icakukonkonsha, noku Mwiswilako ukwingila mukati, amataki nafyonse ifyashala. Ameni. Nshilesakamana ifyo benganjita!

Oh, Ndetontonkanya Ine nabafye umunono
uwa ma-fashioni yakale,
Lelo Umulubushi wandi nao pamo, ali uwama-
fashioni yakale, pamo.

²⁰¹ Bushe ico nacilungama? Mwalyumfwa ulwimbo. Beni aba ma-fashioni yakale! Mwilaesha ukukonkelesha umuntu umo umbi. Ena ecakumwenako Cenu. Muleesha ukuba nga Ena, kibili u Mupashi muli imwe uuli noku myafwa ukucita ico. Ukupanga umweo obe ngo Wakwe.

²⁰² Ee, kuli iciibi kulya. Ndefwaya ukwita umwinshi umbi. Ndomfwa ukunaka apakalamba. Kwaliba cimbi iciibi kulya, mupepi fye nakuli cilya ciibi, ukuya kuli kulya kulubali-lwa kuboko kwaku kulyo, kibili cilya iciibi ciibi caku mweo wamu bumfisolo bobe. Oh! Oh, taufwaya Ena ukupalamako kuli ico. “Nomba, nga Ndefwaya ukuya ku malila aya kunwa panono, cinshi ico kuli Iwe? Chalichi nshi icili nokunjeba ifyo Mfwile ukucita?” Uh-huh, mwaufwa imwe, mwamona. “Icekumi capa malipilo yandi? Ninani uuli nokunjeba ifya kucita? Ubo bwikashi bwandi ubwamubumfisolo! Nine mpanga ulu lupiya. Nalikwata ubwikashi bwandi. Kuti nafwala utuputula nga Ndefwaya ukucita ico. Isho ni nsambu shandi ishabwina America.” Ico ecine. Icine cine. Nacilungama.

²⁰³ Lelo ngacakutila uuli mpaanga, kibili tauli mbushi, wamona, impaanga esho Afwaya. Shena shili nokupatululwa ubushiku bumo.

²⁰⁴ Impaanga shalikwata amasako. Ico ecintu fye cimo shakwata. Kibili tekuti shipange yalya amasako. Tabatwipusha ukupanga icisabo ca Mupashi, lelo *ukutwala* icisabo ca Mupashi. Nomba epofye caba nimpaanga, ikakwata. Taifwile ukutampa ukupanga. Ifibombeleo fyamumubili fyonse nimpaanga, yena kuti yapanga amasako pantu mukati kaiko mwaba ifipandwa kibili amenshi ne fintu ifyo ifibapo mukupanga amasako.

²⁰⁵ Kibili lintu waba umwina Kristu, iwe uli nokumfwana ne Cebo. Nshilesakamana ico umuntu ulu onse enga landa. Iwe

taufwile ukubombapo nangu cimo, kabilii nokuletapo icishili nangu cimo, ukutinta, ukubikamo fimo. Iwe uli mwina Kristu. Iwe palya penefye kutwala icisabo ca Mupashi. Wamona? Wamona, kabilii iyo enshila cabelamo. Mwamona?

²⁰⁶ Lelo, abantu ileelo, tabafwaya iwe ukwangala nobwikashi bwa mubumfisolo bwabo.

²⁰⁷ Icintu cimo ico ufwile ukucita, kwisulafye iciibi conse icilipo, nomba watila, “Ingileni mukati, mwe Yesu.” Mona ico icalacitika. Lintu wamona mwi Buuku, ufwile wacita *ici*, ufwile wacita ico. Mulandu nshi? Iwe uuli mpaanga, mukubalilapo, nomba.

²⁰⁸ Nomba ngacakutila ulefwaya ukwikala, Ukumuleka pa mwinshi, ulandefye utile, “Ninjilunda ku chalichi. Ndifye umusuma nga iwe. Wamona, Nalipokelela Kristu.” Limbi ico ecofyne wacita. Lelo bushe walimupanga Ena *Shikulu*? Mwamona?

²⁰⁹ Nomba, Shikulu tekuti abikepo i Buuku lya mafunde nokulanda i Cebo, kabilii abwela nokukana Cena. Kabilii iwe ngawatila walikwata Mupashi wa Mushilo, kabilii na Baibebe yakweba icintu cimo icakuti naiwe watila, “Oh, Nshacetekela muli *Ico*.” Iwe wibukishe fye, uyo umupashi waba iwe te Mupashi wa Mushilo, pantu tekuti Wena uikane Umwine weka. Ico nacilungama. Tekuti Wena uikane palwa uko weka. Wena walembele i Cebo, kabilii Umona pali Ico, ukucita Ico. Mwamona? Eico uyo te Mupashi . . .

²¹⁰ Wena mupashi, nacilungama, wena kuti waba u—umupashi wa chalichi, wena kuti waba mupashi wakwa kakumba, kuti limbi waba umupashi we sonde, wena limbi kuti waba, Nshishibe ifyo cena cili, lelo, conse ico cingaba, limbi wena kuti waba umupashi wa cilonganino, “Ine ndi Methodistu; Ndi Baptistu; Ndi Presbyterianu; Ndi Pentecostu; Naba *ici*,” ico . . .

²¹¹ Pentecostu, nomba ibukisheni, lekeni ngolole *ici*, Pentecostu tekabungwe, Pentecostu cakupitamo ico mupokelela. Imwe ba Methodistu, ba Baptistu, ba Katolika, na bonse, kuti bipitamo muli Pentecostu. Tekuti uibikeko kuli Pentecostu, pantu twakwaba inshila yakuibikilamo.

²¹² Naliba mu lupwa Iwakwa Branham pa myaka amakumi yasano na-isano. Namwishiba, tabatalile ukunjipusha ngacakutila kuti naba uwakwa Branham. Nafyelwe, uwali muli Branham.

²¹³ Kabilii ifyo efyo uba umwana Kristu, ufyalwa umwina Kristu. Ico nacilungama, nomba.

²¹⁴ Oh, bulya ubwikashi bwa mubumfisolo! “Oh, Ndemyeba, kakumba wandi aya kuli uku kushana, kabilii naifwe tulashana. Balikwata ifyo.” Nacilungama. Mwamona? “Taufwile ukwisa

nokunjeba ifyo Mfwile ukucita nefyo Nshifwile ukucita.” Nacilungama, mwamona, iwe tekuti Umuleke engile.

²¹⁵ Panshita imo kumulekafye Aingila mukati, kabilis nomba bwelelamu mukushana nangu ukushana-kuntanshi-naku numa, nangu conse ico iwe uli nokucita, mona ico iwe wingacita. Tekuti ucite ico. Lekeni Ena panshita imo, kabilis nomba batampe ukufwala utuputula, bamu muli imwe mwebanakashi.

²¹⁶ Ninjishiba Namisendela inshita iitali, lelo Ndefwaya ukulanda icintu cimo ukucilapo, ngacakuti cilifye bwino, muli iyi nshila.

²¹⁷ Ndesubila, ukulongana ukukalamba uko Shikulu ansuminishe ukukwata pali Ena cali niku Bombay, uko Nakwete ukufika pa myanda amakana yasano, lelo, kabilis imyanda ibili namakana yamo mu—mu Africa, ku Durban, palya apakubutukila ulubilo lwakucimfyanya. Muli cilya cungulo kasuba, Natile, panuma yakumona icintu caba icikalamba kabilis icakusungusha ico Shikulu wesi uwakusenaminwa aishile nokucita, Natile, “Ba minshioni bamifundile i Cebo, lelo i Cebo cilacinshimushiwa nokucilenga ica mweo. Ico Alandile cifwile caba no mweo.” Kabilis—kabilis nomba lintu kwali amakumi yabili na isano iya bundapishi iyacitike panshita imo, kabilis ukusenda ifipe panuma yafipe fya mipando yakale kulya; kwipepofye limo ilinono ilyaanguka, balimwene Mupashi wa Mushilo alifye... Balya abantu abashaishibe nangufye abo bali noko bafumine, ifyo fyonsse efyo balefwaya ukumona. Mwamona?

²¹⁸ Kibili Naipwishe ukutila, “Nibanga abalefwaya ukupokelela Kristu?” Kwali amakana amakumi yatatu abaiminine pa makasa yabo, abekashi abali na malangeti, balikwete utulubi.

²¹⁹ Dokota Bosworth, Dokota Baxter na bena, batendeke ukulila. Kibili Munyina Bosworth alibutwike, atile—atile, “Munyina Branham, buno bushiku bobe ubwakukufwika ingala.”

²²⁰ Munyina Baxter atile, “Munyina Branham, Ndeingililamo, Ndetontonkanya bena bapilibwile ukundapwa kwakumubili.”

²²¹ Ulyo mulumendo ali pamaboko yakwe namakufi. Kibili Mupashi wa Mushilo alimwebele uko afumine, necacitike, atile, “Uli nokulanda. Tontonkanya pali munonko, ena ali mupepi nacitika wa mailoshi kulya. Aninine pambushi yamutuntula, kabilis aliicenene kukulu kwakwe.” Natile, “Lelo, EFYA SOSA SHIKULU, napola.” Uyu alishile umulumendo, ne nkonto pamaboko yakwe, nga *ifyo*. Kibili cabasendele baminiti amakumi yabili ukuti impuka yabashilikale ibatalalike.

²²² Nomba uyu mulumendo, pamaboko yakwe namolu, nga *ifyo*, panshi, alefilwa nokwima, alifye ubwamba. Oh, owe, wecintu ukubipa we! Amwene kwati aleisa kubatandashi

bakumona ifilengwa nalesa, namwisha, uku—ukushana ukushana kwamumatololo. Kibili Nasendele umunyololo nokuusunkanya. Natile, “Nga kuti Na afwlisha cilya icibumbwa icibusu, kibili tekuti ncicite, kuti Naba i...Ine tekuti mbe uwalinga ukwiminina kunuma kuno. Lelo,” Natile, “Ine tekuti mwafwilishe. Lelo nomba Ninkwata icabupe icinono, kuti Nacitintafye ukucileka cabomba, conse ico Shikulu alanda.”

²²³ Kibili ilyo Shikulu alangishe, ukumweba ifyo ena aali, atile, “Banyina nabawishi bekele kulya, bena Zulu.” Kibili atile, “Bantu baonda, icishaseka.” Umu Zulu aba amapaundi imyanda itatu, cila muntu. Eico lyena atile, “Bena baba abaibela. Lelo uyu mulumendo afyelwe mung’anda yabena Kristu, pantu ku yakwe...kulubali lwakukulyo, ilyo uleingila mumwinshi, kwaliba icikope cakwa Kristu, mukayanda akanono akafyani.” Kibili ico cali bwino bwino icalungama. Banyina nabawishi balimine. “Kibili *ilyo* eshina lyakwe.” Ifyo efyo ena aali, nefintu fyonse. Bena balifililwe ukucumfwa bwino. Naliloleshe kunuma kabilis Nalimumwene naiminina, mucimonwa kulya, uwaololoka ngefyo engaba. Tatalile iminina, mumweo wakwe, ena afyelwe nga ifyo. Natile, “Shikulu Yesu namulenga ukuba umutuntulu.”

²²⁴ Ena tali na mumano yakwe ayalungama, ukwesha ukutila, “uh, ba, ba, ba” nga ifyo.

²²⁵ Kibili Nalikete umunyololo, nokuusunkanya nga *ifyo*. Natile, “Yesu Kristu, we mwana, nakuposha. Iminina pamakasa yobe.” Aishile iminina. Ifilamba filekonkoloka, kibili ukupita pefumo lyakwe ilyafita, ilyo aleya nga filya. Namwene abekala calo amakana amakumi yatatu namalangeti ukupela imitima yabo kuli Yesu Kristu.

²²⁶ Ku Kiwanis Club, Natile, “Nomba, banjebele ukutila Ndi nokuba kakunkuluka wamushilo ilyo Nafumine muchalichi ca Baptisti ukuti Ningakwata isenge nabantu bonse, batile, ‘Ukuba, walasanguka kakunkuluka wa mushilo,’ Natile...ibumba lyabamunyinane ba Baptisti batile.” Natile, “Mwalituma baminshoni mulya, pamyaka umwanda umo namakumi yasano, nicinshi ico Nasangile balecita? Bacili balikwata utulubi.” Natile, “Lelo amaka ayakubuka kwa kwa Yesu Kristu, amakana amakumi yatatu yapokelele Kristu panshita imo.”

²²⁷ Nomba Ndefwaya ukulanda kuli imwe banamayo, mwalishiba icaciti ke kuli balya banamayo? Natile, “Pano pene pamushili apo wiminine, Mupashi wa Mushilo alaisulamo.” Kibili ilyo baimishe amaboko yabo ukusumina Kristu nga Kapususha wabo, kibili ilyo baendele ukufuma kulya; ukwabula ukufwala, nomba, ukwabula nangu cimo kanofye akasalu, akasalu akanono, pantansi. Kibili ilyo bafumineko kulya, bapetele amaboko yabo nga *ifi*, pantu bena bali mucinso ca muntu, panuma bena basumina Kristu.

²²⁸ Nomba kuti twacita shani, bankashi, kuti twacita shani muli cino calo umo tulanda ukutila twalicetekela kibili tuli bena Kristu, kibili cila mwaka baya balefulilako nafimbi? Ilyo, ulya muntu tatalile ukumfwapo i Shina lyakwa Kristu, lelo ba Musuminefyе mumitima yabo. Iyo, tekuti mubebe ukutila bali ubwamba, bena tabacishibe. Lelo bena baifimbile abene nga ifi, kukutalukako. Ubushiku bwakonkelepo, nangu shibili, kuti mwabasanga nefyakufwala ifya musango umo. Oh, owe!

²²⁹ Kuliko icilubene pacifulo cimo. Kukakanya kwamasambililo yafyamipepele. Amaka ayakubuka kwakwa Yesu Kristu, nga fintu Acitile kumuntu uyo waitile “Legioni,” twamusangile nafwala kibili aletontonkanyafye bwino. Kibili Nalitampa ukucetekela ukutila mupashi pabantu uubatwala mulya mu bwina America nobwina Frenchi, nemisango yonse iyafyesonde nefyamachalichi. Lelo lekeni bese umuku umo kuli ulya Shikulu, kibili balomfwa kulya ukukonkonsha paciibi, bakafwala ifyakufwala nokucita ifintu nga banamayo nabaume, kibili bakaba abena Kristu abafyalwa cipyapya. Ameni. Ee.

²³⁰ Nomba Nimpwisha, kwashala baminiti amakumi yabili ukuti twelufu ifike, ama—amaminiti ayanono, lekeni ntolokelepo yamo. Pakashitafye akanono, Amalembo yamo, kuti Natemwa ukwisula iciibi nacimbi. Bushe kuti cabafye bwino?

²³¹ Iciibi icikonkelepo, kuli ico, cicetekelo. Mwamona, umweo wenu uwa mubumfisolo... umwinshi wa mataki, umweo wenu uwa mubumfisolo, nomba lekeni twisule icicetekelo. Umulongo washinguluka uwafiko, mwamona, nomba natuye kucicetekelo.

²³² Namwishiba, inshita imo akale Nali mucipatala kibili kwali uwaleya uwaleya mukubombelwa. Alinjatile, atile, “Munyina Branham, Nalipona. Bushe kuti wampepelako?”

²³³ Natile, “Ee, mayo, kuti Naba uwansansa ukucita ico.” Natile, “Iwe walibwelela kunuma?”

“Ee.”

²³⁴ Natile, “Nomba lekeni tuloleleko minitifye. Lekeni mbelenge Amalembo kuli imwe.”

²³⁵ Kwaliko namayo uwali mulya mibusanshi, alindolesshe, calimupapwishe nganshi; ena, kibili umwana wakwe umwaume nalimo imyaka yakufyalwa amakumi yabili, Ricky wa lyonse, kibili aiminine palya alendolesha nga ifi.

²³⁶ Kibili Natile, “Ee, mayo,” efyo Nalandile. Nabelengele Amalembo kuli ena ukutila, “Nangu imembu shenu shikashike, shikabuta ngemfula yabuta. Nangu shikashike ngelangi lyakashika, shikabuta nga ubutonge.” Kibili ilyo Nabelengele ico kuli ena, Natile, “Nga namwalitalukako, mwamona, namutaluka ukufuma kuli Lesa, lelo Lesa tataluka ukufuma kuli imwe, nga teifyo tekuti munjite.” Atendeke ukulila. Natile, “Twalapepa.”

²³⁷ Ulya namayo kulya mubusanshi ubwakonkelepo, atile, “Lolela pali miniti! Lolela pali miniti apo!”

Natile, “Ee, mayo?”

Atile, “Isala ikatani ilyo!”

Kabili Natile, “Bushe tauli umwina Kristu?”

Atile, “Ifwe tuli ba Methodisti!”

²³⁸ Natile, “Ukuba, nicinshi ico cikwete icakucitapo nacena? Mwamona, uko cimo nokulanda ukutila wali—wali akana kakakabalwe, nga cakuti wali umo basungila inkumba, mwamona.” Natile, “Ico tacipilibula icintu nangu cimo.” Mwamona?

²³⁹ Lelo, mwamona, kulya eko caisa, kulya ukuitunga ubulungami. “Ico tacilesuminishanya necicetekelo cesu!” Natile i... “Tatufwaya ukundapwa kwa maka yakwa Lesa muchalichi cesu, nangu ifintu ifya musango ngoyo.” Mwamona, mwamona ico Ndepiluba? Mwamona, bena tekuti basuminishe ukwingilamo muli ulyo mwinshi. “Ico cilepilikana neicetekelo cesu.”

²⁴⁰ Kwabafye Icicetekelo cimo. “Icicetekelo cimo, Shikulu umo, ulubatisho lumo.” Cilya i Citetekelo!

Icicetekelo candi ciholesha kuli Imwe,
Mwe Mpaanga yapa Kalbale,
Mupusushi;
Nomba umfweni ilyo Ndepepa,
Fumyenipo ukukana cetekela kwandi konse,

²⁴¹ Ulubembu! Ulubembu, kwabafye ulubembu lumo, uko kukanacetekela. Umuntu uunwa temubembu. Mwamona, ico—ico—ico, mwamona, telubembu. Te—telubembu ukunwa. Telubembu ukucita ubucende. Ukupepa, ukwiba, ico telubembu. Iyo imibele yakukana cetekela. Nga cakuti wali uwacetekela, tekuti ucite ico, mwamona.

²⁴² Kwabafye ifintu fibili, tawaacetekela nangu walicetekela, mwamona, cimo nangu icinankwe. Taucita fyonse ifi fintu nefunde lya bukapepa nefyaba ngefyo, pamulandu wakutila tawacetekela; nga cakuti walicetekela, cena Cebo ico wacetekelemo, pantu Kristu e Cebo. Mwamona? Kabili eico wabafye uushacetekela pantu ukutila walicetekela intambi shimo, nangu fimo ifishilano ifyo fyalundwako kuli Baibele, nangu icintu cimo, kabili ifilonganino filacita. Lelo uwacetekela umwine mwine ekalafye neco i Cebo. Kabili Lesa abombela ukupitila muli cilya cine Cebo, ukupitafye muku Cifkilisha, muli ino nkulo iyo tuleikalamo.

²⁴³ Kabili nomba moneni, kabili watila, “Oh, Ine... Munyina Branham, Shikulu...” Ukuba, ico cilifye bwino, kwali abengi abashasembululwa aba Pelishiti abaile inshita imo, pamo. Kabili ibumba lya bena Egypto lyaeseshe ukukonka Mose ukuciluka

be—Bemba Wakashika, lelo kwena mukulekelesha . . . “Nga filya Yannesi na Yambre bakene Mose, ukuba, tulesanga icintu cimo cine mubushiku bwakulekelesha,” Baibele efyo yalandia.

²⁴⁴ Nomba ukuyako pantanshiko panono. Yesu alandile apa, muli iyi—ino nkulo, “Pantu imwe mwatila ukuti, ‘Ndi uwafyuma, nokukwata ifipe ifingi.’” Loleshenifye ifyo ifwe twaba ileelo, chalichi canonkesha nganansi icatala bapo! Kabili, ukuba, namwishiba, imwe ba Pentecosti mwaba abawamisha nga mwali kunse kulya necisekese, pa cifutu, nga fintu bashinwe nabanyinenwe bali? Lelo mwalikwata amachalichi ayawamapo ukucila abashala, ayalekula ukucila yonse mwisonde; lelo uli kwi ulyo Mupashi wakwa Lesa uwaleba pakati kesu? Mwashile icintu icituntulu. “Pantu mwatila, ‘Ndi uwacuma.’”

²⁴⁵ Ibukisheni, iyi ni Pentecosti ilelandako, pantu inkulo yaba Pentecosti enkulo yakushalikisha. Mwamona, konse uku kupuputulwa kuntu twakwete, takuli akabungwe kambi akatendeke. Takwakabe. Ino empela. Ingano naikula nomba. Cena caisa ukupitila mumabula, nomupeti, necikapa, kibili cena cili kunse kungano nomba. Mwamona, tacakabe nakabili. Bena batendeke Imfula inono iya Kulekelesha, lelo yena yaponenefye mukati; icintu cimbi cili nokucita. Fyena fili nokucita ico. Iyi ningano ileisa. Moneni.

²⁴⁶ “Kibili pantu mwatila, ‘Ndi uwacuma, uwanonka mufipe, nshilekabila icintu,’ kibili tawishibe ukuti uli uwankumba bulili, umulanda, impofu, ubwamba, kibili tawishibe ico; Ndekupanda amano iwe . . .” Oh, owe! “[Munyina Branham akonkonsha pacintu cimo—Kale.] “Laodikea, Ndekonkonsha pa ciibi cobe, nokukupanda amano ukuti wise kuli Ine, kibili—kibili ushite golide yaeshiwa mumulilo; icakufwala cabuta, ukutila ubwamba bobe bwimoneka.”

²⁴⁷ Fuleni ifi fintu, nokufwala efyo mulingile ukufwala, mwamona, ubulungami bwakwa Kristu, Ifyebo. Te bulungami bwandi; ubulungami Bwakwe!

²⁴⁸ “Kibili Ndekupanda amano uku—ukwisa, upoke umuti wamumenso, ukutila wingabika mumenso, ukutila umone. Umuti wamumenso!”

²⁴⁹ Ndi mwina Kentucky. Nafyalilwe mulya mumpili, kibili twalekwata akacende akanono akakale mumuputule wapamulu. Kibili ifwe fwe bana twalipangile umu—umutanto uunono, uo twaleminapo cila nshita yabushiku. Nokulala. Baletufimba insalu iyatikama ilyo imfula yabuta yalepona. Ukuba, intanda, amapulanga . . .

²⁵⁰ Ni banga abaishiba ifyo ipulanga lyaba? Ukuba, munyina, mulandu nshi Nshifwalile ofoloshi yandi kuno? Ndi kulya kung’anda, mwamona. Ukuba, amapulanga yakale!

²⁵¹ Nibanga abaishiba ifyo ubusansi bwafyani bwaba? Nomba ni cinshi ico mwaishiba! Nacitontonkanya ukutila Nacumfwa ukuba uwabukapepa nganshi palwa cintu cimo. Ukuba, Ndemonia ukutila Ndifye ku ng'anda nomba. Ico cisuma. Kibili Nshatalile ishiba icintu cimbi mpaka imyakafye iinono iyapitapo.

²⁵² Nibanga baishiba inyali yakale, umupita ifyushi, mwaliushiba? Ico cali umweshi uwakale uukalamba, necipululu icaleikala pambali. Ukuboko kwacepeshe mung'anda, ekwalewamya lulya lukungu, namwishiha. Nalesendafye icakuwamishamo, kibili fyalensabukila; eico Nalebulu umwakupitila icushi nokucipilibula, icakuti fisabuka. Ee, mucine.

²⁵³ Nomba, bashikulu balebomba nenama. Banyina babamayo bafumine kuncende ukwikala bamwenye. Baupile umukashana Mwenye uwakuncende yabamwenye iyaku Cherokee ukufuma mu Kentucky naku Tennessee, namwishiha uko, mumupokapoka wa Cherokee. Kibili, bena, ena—ena alelunga nokuteya inama inshita yonse, ifyo efyo—ifyo efyo alepangilamo ubwikashi bwakwe.

²⁵⁴ Kibili ifwe fwebana natulala mulya, mulandu nshi, limo limo kwaletalala nganshi. Kibili kulya ukutalala muli ilya ncende, mumenso yesu mwaletalala, kibili—kibili na menso yesu yalekabantana ubushiku, namwishiha. Bamayo balefita “ifintu.” Nsha—Nshaishiba efyo ico cali, lelo imepo yaleingila mumenso yesu, kibili yaletalala. Kibili kuti batila, “Naukwata ifintu mumenso yobe,” kumulandu ne—ne, namwishiha, impepo yaleshinguluka, umwela ulesa munshita yabushiku. Amenso yesu yalefimba nokwisalika.

²⁵⁵ Kibili bamayo baleisa kumutanto, mulucelo, ilyo bapekanya amabisketi. Baleleta umuto wamasaka nokuyabika petebulo. Kibili kuti batila, “Billy!”

Kuti natila, “Ee, mayo?”

“Iwe na Edward ikileni pansi.”

²⁵⁶ “Mayo, Nshilemona!” Naita munyinane, twalemwita, “Humpy.” Natile, “Nao talemona, nao. Mwamona, amenso yesu nayakwata ifintu muli yena.”

Bena kuti batila, “Cisuma, pali minitifye.”

²⁵⁷ Kibili bashikulu, ilyo baikata kote... Nibanga baishiba kote? Efyo, kibili bena... Kuti baikata kote, balefumyako amafuta nokubika mukakopo. Kibili ayo amafuta yakwa kote yaleposha fyons mulupwa lwesu. Bena baletupela kuli ifwe kucifine icabipa, nababikapo namafuta yamilemu, namafuta yamalasha. Kuti twaimina ukuposha ifilonda pamukoshi. Balekafya amafuta yakwakote, nokwisa tusuba mumenso,

namenso yaleisuka. Mwamona, mafuta yakwa kote eyalecita ifyo. Mwamona?

²⁵⁸ Nomba, munyina, nkashi, ifwe twalipita munshita yakutalala, muchalichi. Ico nacilungama, umwela uwingi uwabukapepa walisa, abantu bonse balikatwa nempepo. Amenso yabantu abengi yalishibata, kibili kwaliba Icisaka cama Chalichi ice Sonde lyonse cileisa, kuno, bakapatikisha abantu ukwingilamo. Bena baletaluka ku Cebo, amabumba yesu fwebene efyo yacitile. Nalikwata umulimo ku Mbila; tekuba uwapusana, lelo pamulandu wakutemwa. Ukutemwa kulalungamika. Bweleni! Talukeniko kuli ico cintu! Imwe ba munyina abapyunga, Nshilesakamana ifyo amabumba yenu yacita, talukeniko kuli cena! Talukeni kuli cena! Lwena lulembo lwa ciswango, talukeniko kuli cena! Mwamona, Yesu alekonkonsha muli ino nkulo ya Laodikia. Mwamona apo ba Mufumishe? Aleesha ukufika kubantu, te-te tubungwe na mabumba yabantu. Ena aleesha ukusenda umo *apa*, kibili umo *apo*, kibili umo *palya*, ukwesha. “Bonse abo Natemwa, Ndakalipila.”

²⁵⁹ Nga fintu munyina umunono akwete icimonwa pano, kibili alandile ukutila alikwete icimonwa. Kibili atile, “Ulu Lubuuto lumo lwine ulo mwapokelela, lulenga imfwa yenu, pamo.” Mwamona?

²⁶⁰ “Bonse abo Natemwa, Ndakalipila; cincila, kibili bwela. Ninjiminina pa mwinshi, nokukonkonsha.” Nomba, moneni, amafuta yakakote tayabombe nangu cimo.

Lelo kuli Akafukauka akaisushiwa no Mulopa,
Uwfuma mumishipa yakwa Imanuele,
Uko ababembu bawilamo pesamba lya lyeshi,
Balelufya konse ifibala fyakusekwa.

Ulyo mupupu walefwa alisekelele ukumona
Kalya Kafukauka mubushiku bwakwe;
Kulya lekeni Ine, nangu mbipe nga ena,

²⁶¹ Aiswile amenso yandi, nomuti wamumenso Wakwe. Umupashi Wakwe waishileika nokukafya Baibele, umuti Wakwe uwamumenso. Nsha Cimwene. Nali wamumusumba, kakumba waku Bapsisti. Lelo ubushiku bumo Atumine u Mupashi Wakwe pansi, te mafuta yakawa kote ayo Akafishe, lelo Ena atumine Mupashi wa Mushilo nomulilo! Umuti wamumenso walipitile muli Baibele yandi—ba Baibele yandi... kibili nomba kuti Namona nelinso lyandi, Wapitile pameno yandi eico Nalimwene Baibele yandi. Kibili Namwene ukuti, “Ena aba cimo cine mailo, ileelo, kibili nomuyayaya. Lekeni icebo ca muntu onse cibe icabufi, ne Candi cibe icacine. Ninjiminina pa mwinshi, nokukonkonsha.”

²⁶² Ilyashi limo nalimbi ilinono. Bushe natukwata inshita? Ee, ee, lyena Ndi nokuya, mwamona.

²⁶³ Kulya kwali umukalamba uwafita kulya ku Masamba. Kabili, kakumba wakwe, Nalimwishiibe, umuntu umukote umusuma. Twalemwita Gabe. Ishina lyakwe yali ni Gabriel, kabili twalemwitafye Gabe. Ena lyonse, kakumba na Ine, ifwe—ifwe twaile tulelunga, apakalamba. Ena aali ni munyina umukote uwafita, kabili twaile tulelunga. Kabili na Gabe umukote alitemenwe ukulunga ukucila umuntu uuli onse uo Natala ishiba, lelo ena aali ni kalasa uushaishibisha. Eico, ubushiku bumo kakumba wakwe naena aile mukulunga.

²⁶⁴ Kabilit twalifilwe ukuleka Gabe umukote ukwisa kuchalichi. Alikene ukucita ico. Alikene ukwisa kuchalichi. Atile, “Oh, Nshiya kulya uko ba bumbimunda baba.”

²⁶⁵ Natile, “Nomba, Gabe, apofye tauleisa, bena bakalamba ukukucila. Ulefisama kunuma yabo, mwamona.” Natile, “Ulefisama kunuma yabo. Uli uwacepesha ukucila bena; bena balaya pansi nokwesha, mwamona.”

²⁶⁶ Kabili eico atile, “Nde—Nde—Nde—Nde—Ndetontonkanya mwebengi imwe, Mista Bill. Lelo,” atile, “Na—Na—Na—Nalishiba umukote Jones aya kulya lubali, kabili ena tali nangu cimo; ena alafilwa ukulasa, na fyonse ifyo.”

²⁶⁷ Natile, “Ico cilifye bwino, Gabe. Mwamona, ico cilifye bwino. Lelo, ibukisheni, Jones awile ukwasuka pali ico; taufwile ukucita ico, mwamona. Nga cakuti iwe waya...” Natile, “Iwe walikwata kakumba umusuma.”

²⁶⁸ “Oh, Kakumba Jones muntu umo uwawamisha muno mucalo!”

²⁶⁹ Natile, “Lekeni abe icilangililo cenu, nga tekuti muloleshe ukucila pali ico. Lekeni abe icilangililo cenu.”

²⁷⁰ Eico ubushiku bumo Munyina Jones atile, aletwele Gabe umukote mukulunga, kabili atile, “Twalikwata tukalulu utwingi ne fyuni, bulya bushiku, ukucila ifyo twingasenda.” Kabili atile, “Wise mucungulo.” Atile, “Gabe umukote aleisa kunuma, kabili nasenda ifintu, namwishiiba, nga ifyo.” Kabili umukashi wakwe ali umwine mwine, umwina Kristu uwacumfwila. Ena alikwete icifulo palya pene, umwanakashi uwaisushiwa na Mupashi wa Mushilo, kabili ena lyonse alikwete icifulo apo alebombelia. Eico ena aali... Gabe Umukote aleisa kunuma, namwishiiba. Kabili Kakumba Jones atile aliloshe konse konse, amwene, “Gabe umukote aikalile ukulolesha kunuma, nga *ifi*. Akasuba kaleya kalewa,” atile, “kwalatalala nganshi, kwalatalala.” Atile, “Panuma yakashita,” aleenda, atile, “Gabe umukote alishile. Pamukoshi wamfuti yakwe paliswile utululu notuni, nefintu.” Atile, “Aishele pampamsha kakumba pakubeya, kabili atile, ‘Ba kakumba?’”

Atile, alipilibwike, atile, “Ee, Gabe, nicinshi?”

²⁷¹ Eico aloleshe, kibili ifilamba ifikalamba ifikulu fyalekonkoloka ukufuma pamasaya yakwe ayafita, uko umwefu wakwe walesanguka imfwii. Atile, “Ba kakumba, Nacilaenda pali ulu lulamba pano, pali citika wa ora.” Atile, “Nacilalolesha kalya kasuba kaleingila.” Atile, “Namwishiba, ishi myefu shamfwi ishandi, nemishishi yandi iileplibuka,” atile, “namwishiba, akasuba kandi kaleya kalewa nako, bakakumba.”

²⁷² Atile, “Ico nacilungama, Gabe.” Kibili ena aimininefyenokupilibuka, atile, “Bwafyanshi ubuli naiwe?”

²⁷³ Atile, “Akasuba kandi kaleya kalewa, naine.” Atile, “Nawishiba?” Atile, “Nacilatontonkanya,” atile, “ilyo Nacilaenda kulya kunuma.” Atile, “Namwishiba,” atile, “Shikulu alingile ukuntemwa.”

Atile, “Mucine, Ena alaccita ico, Gabe.”

²⁷⁴ Atile, “Namwishiba, Ndi muntu uushaishiba ukulasa.” Atile, “Ine tekuti njipaye nangu cimo, lelo,” atile, “ifwe—ifwe mucine twacilakabilay uyu munani kung’anda.” Kibili atile, “Loleshenifye kwi bumba ilikalamba ilya munani uyo Ampele, ifi fyuni notu utululu.” Atile, “Nakwata uwingi uwakutusunga uyu umulungu onse uuleisa.” Atile, “Ena alingile alintemenye, pantu tekuti Mpika nangu cimo, namwishiba.” Atile, “Nacilafilwa ukulasa, lelo monenifye ifyo Ampele.” Elyo atile, “Ena alingile ukuntemwa, nga te ifyo Ena nga tampele ifi.”

Atile, “Ico nacilungama.”

²⁷⁵ Kibili atile, “Ukuba, Nalikwete ukukonkonsha ukunono ukwaibela pa ciibi candi, kwisamba kulya. Anjebele ukupilibuka, atile, ‘Gabe, akasuba kobe nako kalewa, pamo.’” Atile, “Ba kakumba, nawishiba ico Nacita, ba kakumba?” Ena atile, “Nali Mulaile ubulayo.”

²⁷⁶ Atile, “Gabe, Ndefwaya ukukwipushako icintu cimo.” Atile, “Nimbila nshi Nashimikile iyalengele ukuti umfwie ifyo uleumfwa?” Atile, bakakumba, nangu atile, “Nomba soleleni pali miniti,” atile, “ni lwisa—ni lwisa—ulo bakemba baimbile?”

²⁷⁷ Atile, “Oh, Ine mucine nalitemwa kulya kwimba kulya kuchalichi, ba kakumba.” Atile, “Nalitemwa imbila yonse iyo mushimikila, pantu ifuma muli lilyafye i Buuku ilisuma, kibili Nalishiba ukutila lyalitungama. Lelo,” atile, “teico.” Atile, “Alekonkonsha, kibili Nalifwaile konse konse, kibili moneni efyo Aba umusuma kuli ine, ifyo Ena ampele.” Atile, “Pa Mulungu ulucelo, Ndi no kwisa kulya kwine kuntanshi uko mwiminina.” Atile, “Ndi nokumipela ukuboko kwandi ukwa kukulyo,” atile, “pantu Nacipela umutima wandi kuli Shikulu, kulya kwinefyenokupilibuka iculu kulya.” Atile, “Ndi nokubatishiwa, no kusenda icifulo candi palya pene pambali ya mukashi wandi. Kibili Nakulaikala palya pene mpaka Shikulu

akanjite ukuya mumulu.” Mwamona, aloleshe konse konse nokumona ifyo Lesa aali umusuma kuli ena.

²⁷⁸ Ndi minshoni. Nga kuti mwalolesha ukupitila mumenso ayo Ndemwenamo nomba, nokumona incende iya ba Nsamya, balya bantu abanono abansala, banyina bali nensala mumisebo, abana babo balefilwa nokulila, kunsala, kibili tontonkanyenifye pafyo twacikwata pano ileelo. Moneni bamotoka mwaisamo. Moneni ifyakufwala mufwala. Moneni ifyo mwakwata ifyuma. Cibusa, bushe tauleumfwa kulyo kukonkonsha ukunono kulya pacifulo cimo?

Natupepe.

²⁷⁹ Ne mitwe yesu iyakontamikwa, kibili imitima yesu, ilyo amaminiti nomba yalepita, nalimo amaminiti cinelubali mpaka pakati kakasuba. Munyinane, nkashi, sayansi iletweba ukutila kushele amaminiti yata tu mpaka pakati kabushiku. Nomba nga kuti mwaloleshafye konse konse, nokutontonkanyafye pali miniti. Abana benu abekele abekele naimwe. Nibanga abacipumputu!

²⁸⁰ Lolesheni kubakashi benu abasuma, munyina, nokutontonkanya ukutila muntu nshi ashitwa amadolla amamillioni, kibili alitemwa umwanakashi nomitima wakwe onse, ena asangwa mufikulwa fyabwalwa. Kuti apela bamillioni bakwe abatalala ukuti ulya mwanakashi amutemwe umusango umukashi wakwe amutemwa. Kibili iwe, wemukashi, nibanga abanakashi...?

²⁸¹ Nibanga ba nacifyashi muno muno lucelo nabana babo abanono, nibanga bashibo abakwata...? Mulandu nshi, owe, kuli abaume abengi abalelolesha kukabusanshi, uwatkunkana umunono, umubusu umunono, uwalemana, kibili lolesheni pabana banono abasuma abo mwakwata. Mwamona? Kibili nabengi abakote, nalimo... .

²⁸² O mwe Lesa! Kuli ifintu ifingi nganshi, nga kuti mwaloleshafye. Aliba umusuma nganshi kuli ifwe fwe bena America. Nomba bushe tekuti mumfwefye ukutila kuti mwatemwa ukukwatako umuti unono, muno lucelo, “Isulen amenso yandi ukuyako pantanshiko panono, Shikulu, isuleni amenso yandi”? Nga fintu nkashi yesu umusuma aimbile ukutila, “Ilinso lyakwe lili panseba, kansebafye akanono, kibili Ninjishiba ukutila Alamona napali ine.”

²⁸³ Nomba Alemona pali imwe nomba line. Bushe kuti mwaumfwafye, kulya ku cifulo cimo, ukukonkonsha ukunono nga *ifi*, [Munyina Branham akonkonsha pa cintu cimo—Kale.], “Ndetandala, muno lucelo”? Emucinshi uukalamba uwingapelwa, nga waumfwa ukukonkosha mumutima obe.

²⁸⁴ Bushe kuti mwaimyafye ukuboko kwenu, nokutila, “Kuli ici, Shikulu, ku bwafwilisho Bwenu no kusenamina Kwenu,

ukufuma ileelo ukuya kuntanshi, Ndi nokwikala mupepi na Imwe nga fintu Naishiba ifya kwikalala. Ifyofye fyeka efyo Naishiba ifya kumipusha Imwe”? Lesa amipale. Lesa amipale. “Kubwafwilisho Bwenu nokusenamina, ileelo, ukufuma ileelo ukuya pantanshi, Nshakatale laba ici.”

“Moneni, Ninjiminina pamwinshi, nokukonkonsha. Ngo muntu uuli onse . . .”

²⁸⁵ Nomba, ibukisheni, nikwisa uko Ena alekonkonsha, pa butala? Iyo. Kung’anda yabwalwa? Iyo. Nikwi Alekonkonsha? Pa chalichi!

²⁸⁶ “Ngo muntu aumfwa i Shiwi Lyandi, nokwisula kuli Ine, Nkengila nokulila pamo nankwe, na ena akalila pamo na Ine.”

²⁸⁷ Mwe Lesa watemwikwa, aya ayatobaulwa, ayasakana, amashiwi ayanono ayacilandwa luno lucelo, mu nshila imbi lekeni Mupashi wa Mushilo ayelule kumitima yabantu.

²⁸⁸ Nomba kwacibako abengi, Shikulu, nalimo ukufuma muli aba umwanda umo apa bali amakumi yabili nanguabantu amakumi yataku bacimya amaboko yabo. Nshikwete inshila nangu imo iya kwishibilamo ifyo balekabilo, Shikulu. Lelo Ninjishiba ukutila akasuba pakati kalifye baminiti abanono, kabilo no Kwisa kwakwa Shikuliu pamo; lelo, ilyo iyi mfula yabuta tailasungulika, kuti waitwa, kabilo ino kuti yaba inshita iili no kupilibula ifyakuntashi fyonse nga cakutila kuti bashala pano nangu ukuya pamulu.

²⁸⁹ Mwe Lesa watemwikwa, mukuicefy a tulesumina Yesu, tulesumina Ifyebo Fyakwe fyonse. Twisusheni, Shikulu, twisusheni no Mupashi wa Mushilo Wenu, ukutila umweo wesu uletwalafye icisabo. Peleni ico, Shikulu.

²⁹⁰ Tubeleleni uluse pa filubo fyesu ifingi. Oh tuli abaisushiwa nganshi na fyena, Shikulu. Kibili tatukwete nangu cimo ico twingapela, Shikulu, pantu, ifintu fyonse ifyo twakwata, Nimwe mutupela. Nge fyo Gabe alandile, mulyashi ilinono twacilalanda, “Imwe, Imwe mucine mwalitutemwa, Shikulu, nangu tekuti Mucite ici.” Kibili, ukutontonkanya, aba bantu bekele muno ukutula ulucelo celo lelo, abekele muno ukutula eiti koloko, yaba ama ora yane ayo bekale muno. Bali Mitemwa, Shikulu. Bali Mitemwa. Nomba, mwe Taata, Imwe mwalatumafye umuti wa Mupashi wa Mushilo, isuleni amenso yesu. Lekeni ifwe . . .

²⁹¹ Aba abali muno mu musumba, lekeni babutukile kuli kulyo kupuputulwa muno bushiku, lekeni kube ukupongololwa nganshi! Peleni ici, Shikulu. Lekeni ukupuputulwa ukwa nshita yakale kutendeke muno mumusumba. Peleni ici. Paleni cila muntu ulebomba, cila umo mubabomfi Benu mwisonde lyonse, abalebomba. Beni nabena, Shikulu, nokubafwilisha.

²⁹² Isuleni amenso yesu pakutila twingamona, ukucilapo, icipasho cakwa Kristu. Peleni cena, Shikulu. Tubeleleni uluse pamembu shesu.

²⁹³ Kibili nomba aba abacimya amaboko yabo, mwe Taata, Ndeba pala kuli Imwe. Bapokeleleni. Nomba Naambula i Cebo Cenu Mwebene, Shikulu, icili, "Imyulu ne sonde fikafilwa, lelo," Mwatile, "uyo," ico caba ukulumbula kwa umo, "uyo umfwa Ifyebo Fyandi..." Shikulu, yena yaciba ayakukana tantikwa bwino kibili ayaanguka, lelo umuntu umo nayomfwa. U Lubuto lwacipona. "Uyo umfwa Ifyebo Fyandi kibili," ukusuntinkanya, "ukucetekela pali Ena uyo wa Ntumine," pantu Ena acitile ici, "ena nakwata (ili line) Umweo wa muyayaya, kibili kuntanshi takese kubupingushi, lelo nafuma mumfwa aingila mu Mweo." Bena bacimya amaboko yabo, mwe Shikulu. Bena bacinobaula (lyonse) ifunde lyu sayansi; ukutinta ukwikatilila amaboko yesu. Lelo bacishininkisha ukutila kwaliba umupashi muli bema, uyo wingomfwa ukukonkonsha pa ciibi, nokwisa ku Muulu nokuboko kwabo ukwakukulyo. Nomba isuleni cibi. Isuleni, Shikulu, nokwingilamo. Ifwe tuli Benu. Tupokeleleni, mwi Shina lyakwa Yesu Kristu. Ameni.

Nali Mutemwa, Nali Mutemwa
 Pantu Ali ntemenwe
 No kushite pusukilo lyandi
 Pa Kalbale.

²⁹⁴ Mwali Mutemwa? Ndeigililamo nga kuti twaisala amenso yesu, pakashitafye. Nomba ukufuma mu mitima yesu, namaboko yesu natwimyia.

Nali Mutemwa, Nali Mutemwa
 Pantu...

²⁹⁵ Ifwe tulepokelela ukukonkonsha Kwenu, muno lucelo, Shikulu. Amaboko yandi yali pamulu. Amaboko yesu yonse nayemishiwa, Shikulu.

Kibili...

Nomba iseni, Shikulu Yesu. Iseni mumitima yesu nokulila pamo naifwe, kibili twalalya pamo na Imwe.

Kalbale!

²⁹⁶ Bushe mwali Mutemwa? Oh, Ndetontonkanya Ena aliwama nganshi! Bushe tamwamutemwa? Bushe tamuleumfwa u Kubapo Kwakwe kulemishinguluka? Ndeumfwa uwabukapepa nganshi ino ine nshita, ukubafye—ndeumfwafye bwino nganshi, icintu cimo palwa cena.

Icicetekelo candi cilolesha kuli Imwe,
 Mwe Mpaanga yaku Kalbale,
 Mupusushi;
 Nomba umfweni ilyo Ndepepa,
 Ifibi mufumyemo,

O lekeni ine ukufuma buno bushiku
Nkabe Uwenu!

²⁹⁷ Nomba Ndefwaya imwe, ilyo tuleimba iyi versi ilekonkapo iya lulyo Iwimbo ulusuma, ulwimbo ulwa kale ulwa muchalichi, Ndefwaya muposhanye muminwe nomuntu umo. Ikalenifye mucipuna cenu, tilenifye, “Lesa akupale, munyina. Lesa akupale, nkashi. Ndi uwansansa ukuba naiwe muno!” Lekeni tucite ico. [Munyina Branham aing’wing’winsha *Icicetekelo Candi Ciholesha Kuli Iwe*—Kale.] Lesa akupale, Carl, ndi uwansansa ukuba pano...?...

²⁹⁸ Tontonkanyenifye, amaboko yaba Methodisti yacikata ayaba Pentecosti, ba Baptisti bacikataa ba Presbyteriani.

O lekeni... ukufuma buno bushiku
Nkabe Uwenu!

²⁹⁹ Nomba ilyo tuleimba panono panono nomba, pamo, ukufuma pesamba lyamutima obe. Namwishiba, panuma yakufopola, i Mbila yakukalipila, Ndetontonkanya ukutila cisuma ukwingila mu Mupashi nokwimba, ubusuma ubwa Mupashi wa Mushilo.

³⁰⁰ “Oh ifyo caba icisuma kuli ba munyina ukwikala capamo mu kwampana!” Baibele itila, “Caba kwati mafuta yakusuba ayali pamwefu wakwa Aarone, ayo ayapongolokela pamwingila wakwe.” Muli bantu abasuma kuno lubali. Ndesubila ukubwela mukumimona nakabili lintu Yesu talanjita, nangu mu Myaka ikana limo. Nga Nshicitile ico, Ndi nokumimona ukuciluka umumana kulya lubali. Ndi nokumikumanya pamumana. Ameni. Cena mulimo.

Ilyo Nyenda mu musebo wamfifi uwamweo,
Kabili namalanda yanshinguluka,
Lekeni Mube Katungulula wandi;
Mfifi ibe akasuba, (Lulyo Lubuuto ulunono
balalandapo.)
Mufumyo kucula,
O lekeni ine ukufuma buno bushiku
Mbe Uwenu onse!

³⁰¹ Umwinshi onse uwaisuka! Oh, kwikatafyе kukalibatani akanono, nokubamona bonse baleya ukushinguluka icashinguluka; atila, “Iseni, Shikulu Yesu, beni Shikulu wandi, uwandi onse.”

O lekeni ukufuma pali buno bushiku (te, lekeni
Mwiminine pamwinshi,)
Mbe Uwenu onse!

³⁰² Imwe mwe bacimya amaboko yenu kibili mulefwaya ukutwalilipo ukutungululwa kuli Shikulu, Ndemicpusha ukuya kukupuputulwa ileelo munshita yabushiku. Kabili Ndi uwashininkisha kakumba kulya kuti amiumya kuno ukuya ku

ng'anda yabeni. Ena alikwata amakobili mutanda, nangu conse icapelwe, ukusakamana, nomwangashi namafuta ifyakwitalamo. Ena kuti apwilikisha umulimo.

³⁰³ Lesa amipale nomba. Nalabweseha ukulongana kuli, Ndemona, Munyina Williams, nangu uyo onse uuli . . . 

65-0206 Ifiibi Mu Ciibi
Americana Hotel
Flagstaff, Arizona U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfyा kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfyा ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org